

義

禮

糾

解

儀禮紉解卷十六

安溪王士讓述

少牢饋食第十六

此篇言諸侯之大夫祭其祖之禮。於五禮屬吉禮。羊豕具曰少牢。饋食解詳特牲篇。朱子曰。禮記大夫祭三廟。程子以爲高祖有服不可不祭。雖七廟五廟三廟一廟一廟以至祭寢皆及高祖。此最爲得祭祀之木意。禮家又言大夫有事省於其君。于祫及其高祖。此則可爲大夫立三廟而祭及高祖之驗。泊郵吳氏曰。大夫三廟。而此經所祭惟一廟。則亦值祭也。若祫祭。則當迎祖禰至大祖之廟而祫之矣。王制。大夫三廟。一昭一穆。與太祖之廟。

而三。是大夫有太祖廟也。時祭有四。曰祠。曰禴。曰嘗。曰烝。此天子諸侯之祭也。春秋傳昭元年。趙孟將烝于溫。則四者之名。通于大夫矣。四時之祭。有值有禘。此特見其牲者耳。

少牢饋食之禮。

蔡氏宸錫曰。特性少牢。皆曰饋食者。祭以粢盛爲重也。推而上

之。天子諸侯躬耕以共粢盛。例而觀之。孝子養親曰饋養。昏禮婦饋以明順。祭黍稷必主婦親之。皆曰用丁巳。內事用柔日。必丁巳者。取丁寧此義。曰用丁巳。與改紀之義。皆爲敬謹也。必先

諫。此天干。明日乃筮。卿大夫禮。尊於士禮也。

士讓。按注取丁寧。改變之說。善矣。又漢志言大

盛于丁。理紀于巳。是丁巳者。蓋亦有備物

順禮之義。古者入學用丁。不特祭爲然。筮旬

有一日。

旬十日也。以先月下旬之丁與巳。蔡氏宸錫曰。筮必

旬有一日者，容散齋。

七日，致齋三日也。

筮於廟門之外，主人朝服。

西面於門東，史朝服，左執筮，右抽上韉，兼與筮。

執之東面，受命於主人。

朝服，卿大夫服之，以祭者，此爲筮服之。史主筮。

事公有

司也。

主人曰：「孝孫某來，日丁亥，用薦歲事于。」

皇祖伯某，以某妃配某氏，尙饗。

日取丁亥者，特見其一耳。亥爲

六丁之末，故設言之。末者且用，則上者可知矣。巳日亦宜如之。大夫三廟，常祭自祖以及禰。惟言皇祖，舉以見例也。伯某者，亦舉以槩仲叔季。某，其字也。某氏，若姜氏、姬氏是也。禮，宗子雖七十，無無主婦，則卿大夫以下，娶有再三者矣。而配止一人，故加以某妃配于某氏之上，以別其

爲元妃
繼妃也。

史曰諾西面于門西。抽下鞶，左執筮，右

兼執鞶以擊筮。

擊之以動其神也。故氏繼公曰：擊筮者爲將述命故也。不述

命則無此儀。

遂述命曰：假爾太筮有常。孝孫某來日

丁亥，用薦歲事于皇祖伯某，以某妃配。某氏尚

饗。

述，循也。重以主人辭告筮也。士喪禮：卜葬日不述命，此大夫威儀多也。假，借也。借筮之靈

以問於神。

士讓按有常云者，

乃釋鞶立筮。

卿

謂其斷吉凶有定不差忒也。

夫之著，長五尺。立筮由便。卦者在左，坐卦以

泊邨吳氏曰：立筮故不設席。

卦者，史之屬也。卦以

屬也。卦以

木者每一爻畫地以識之。六爻備書于版。史受以示主人。退占東面旅占之。吉則史

贖筮。史兼執筮與卦以告于主人。占曰從。士讓

贖之者示不煩於再筮。不敢褻也。與士冠特牲相備。乃官戒。宗人命滌。宰

命爲酒乃退。官戒謂某官戒某人以某事也。宰宗人乃官之尊者。故見其所命者

以明之。滌。澆濯。若不吉則及遠日。又筮日如初。

祭器掃除宗廟。遠日。後丁若後巳。若上旬丁巳日不吉則至上

旬又筮中甸之丁巳日。又不吉則至中甸又筮

下甸之丁巳日。泊邗吳氏曰。特牲筮不吉則

筮遠日。卽時併筮之。此越十日而又筮。大夫禮

隆爲時裕也。但君祭以孟月。君祭而後大夫祭。

則大夫祭以仲月多矣。且俱以遠日。則大夫祭

有時逮仲月
之末者矣。

右筮日

宿。

宿謂宿賓以下也。是亦官宿之。大夫於助祭

言于此者爲

前宿一日宿戒尸。

前宿賓之日也。先肅尸者重爲

象神且爲將筮也。

泊邨吳氏曰宿戒尸者謂

宿日戒尸也。明日將筮慮其人或疾病事故

不得爲尸故早戒之。明日朝筮尸如筮日之禮。

其無他者乃以筮也。

命曰孝孫某來日丁亥用薦歲事于皇祖伯某。

以某妃配某氏。以某之某爲尸。尚饗。筮卦占如

初。

明日朝者宿戒尸之明日祭前之一日也。某之某者字尸父而名尸尊鬼神也。如初如筮

也。日吉則乃遂宿尸祝擯。

又遂肅之者重尸也。祝擯者尸象神祝接神之

官也。既肅尸乃官肅賓及執事者。

三禮館議

士前祭三日筮尸少牢乃前一日筮尸不嫌太

促者以筮尸之後惟宿尸而已。不親宿賓以賓

卑也。不視牲以并視牲視殺爲一事也。不視濯

以垂視濯視鬯爲一事也。其禮下於君而事得

其序不嫌其促也。

士讓按主人假如以丁亥

祭則丁丑筮日遂官戒矣。乙酉則宿戒尸丙戌

則筮尸遂宿尸又官宿賓及執事焉是其序也

主人再拜稽首祝告曰孝孫某來日丁亥用薦

歲事于皇祖伯某以某妃配某氏敢宿。

告尸以主人爲

此事來宿。不待其許諾。而

尸拜許諾。主人又再

拜稽首。主人退尸送。揖不拜。

尸不拜。尸尊。

若不吉。則

遂改筮尸。

卽改筮之不及他日。洎邨吳氏曰。敖氏謂改筮若又不吉。則直以其次

者爲尸。不復筮。此猶張子筮日之意也。蓋筮日。旣官戒具備。不可中止。故當然。竊意爲尸者。預擬三人以筮。再不吉。則用其又次者。亦禮成於三之意。

右筮尸宿尸宿諸官

旣宿尸。反爲期于廟門之外。

大夫尊宿尸而已。其爲賓及執事者。

使人宿之。爲期。亦夕時也。肅諸官而皆至。定祭。早晏之期。士讓按廟祭同日。大夫三廟。則宜。

次第筮尸。是日朝筮尸。其畫卦旅占。若而時。或不吉。改筮。若而時。再主人親宿尸。擯辭揖拜。又若而時。宿畢而反。亦將近夕矣。特牲有夕。主人爲期之文。故注疏據之。是亦按候當然也。主人

門東南面。宗人朝服北面曰請祭期。主人曰比

於子。爲期時。尸尊不來。大夫尊於諸官有君道。故得南面。比於子者。比次。早晏司在宗人

也。宗人曰且明行事。主人曰諾。乃退。且明。且日。質明。徐

氏鈴民曰。祭期有定而必請者。重祭且尊命也。屬官雜人。大祭祀夜嘒且以叫百官。巾車鳴鈴以應雜人。小宗伯祭之日告時于王。則卿大夫祭之候亦有定。宜也。

右爲期

明日主人朝服卽位于廟門之外東方南面。宰

宗人西面北上。牲北首東上。司馬刲羊。司士擊

豕。宗人告備乃退。

諸侯禮殺于門內。此大夫禮與特牲士禮皆殺于門外。辟

君也。豕云擊動之使鳴是視牲也。羊云刲謂殺之。是視殺也。互省文耳。實皆既省告備乃殺之。

雍人概鼎七俎于雍爨。雍爨在門東南北上。

雍人

掌割亨之事者。概猶拭也。前命滌已濯之矣。今復拭之爲去塵也。爨竈也。鼎七俎皆牲器。故雍

人概之。羊爨在豕爨之北。北上。

廩人概甑。甑七與敦于廩爨。廩

爨在雍爨之北。

廩人掌米入之蒸者。甑實二鬲厚半寸。屑寸七穿。甑實二鬲厚

半寸，脣寸。敖氏云：甑若甑，蓋有底而無孔，所以盛米也。甑則炊之。匕則出之。此四器與鼎匕俎，皆陳于門外，故雍人廩人分撝之。廩爨亦黍在稷上。士讓按特牲，主婦視館爨于西堂下。記云在西壁，是廟門內也。此云在雍爨之比，則廟門外也。又掌自廩人無主婦出視之女，蓋大夫官多，足共其事也。至下設時，主婦乃自東房執金敦而婦贊者復授之以設，則以菜既盛而設之必親也。司宮撝豆，邊勺爵觥，解几洗，篚于東堂。

下勺爵觥，解實于篚。卒撝，饌豆邊與篚于房中。

放于西方，設洗于阼階東南，當東榮。大夫攝司官兼主

饌祭器，故俱撝之。勺爵觥，解撝之，則隨實于篚，不待其卒撝也。放猶依也。以次而西也。豆最東。

邊次之。篚又次之。堂下之篚又次之。三禮館
議。周官大小宗伯。大祭省牲。鑊視滌濯。肆師視
滌濯。相其禮。宰夫從大宰而視滌濯。天官世婦
帥女宮而濯。概爲盥盛。蓋祭尙蠲潔。天子內外
官備。諸侯具官。大夫攝官。要無不外
內。致其潔者。經不言告潔。已見特牲。

右視殺概器

羹定。雍人陳鼎五。三鼎在羊。鑊之西。二鼎在豕。

鑊之西。

魚腊從羊。膚從豕。統於牲也。魚腊各鑊。膚在豕鑊。今鑊四而鼎五。物辨其器也。

司馬升羊。右腓。髀不升。肩臂。臠膊。骼。正脊。一。脰。

脊。一。橫脊。一。短脅。一。正脅。一。代脅。一。皆二骨以。

盆。腸三。胃三。舉肺一。祭肺三。實于一鼎。

升登也。右肺吉。

禮所尚。髀不升者。殷人貴髀。勝國之禮。故弗尚。
注疏以爲近竅賤。故不升。恐未然也。肩臂臑。肱
骨三也。臑。髀。股骨二也。脊有三。以前爲正。其次
名臑。言臑然直也。却後名橫。言橫然廣也。脅骨
三。以中長者爲正。前者爲代。後者爲短。凡牲體
四支爲貴。故先叙之。脊先前而脅先後者。屈而
反之。猶器之紉也。凡六體。各取二骨併之者。以
多爲貴也。此以上共十一體。皆外體也。舉肺一
尸所食先舉之者。祭肺三。爲尸主人主婦者。肺
及腸三。胃三。皆內體。故肺雖貴。叙于末焉。少牢
之俎。五而已。腸胃不得別俎。故但附于其牲耳。
陳氏祚道曰。禮運云。腥其俎。孰其醢。腥其俎。
謂豚解而腥之。爲七體。蓋殊左右肩髀而爲四。
又兩胎一脊而爲七也。孰其醢。謂體解而孰之。

爲二十一體。大夫士有體解，無豚解，以其無朝踐獻腥之禮故也。朱子曰：豚解之義，陳說得之。二十一體，則解脊爲三，曰正脊，曰脰脊，曰橫脊。凡三。兩肋各二，曰代脅，曰長脅，曰短脅，凡六。兩肱各三，曰肩，曰臂，曰臑，凡六。兩股各三，曰髀，曰肫，曰脛，凡六。通爲二十一體。凡牲與腊皆如此。而鄭氏以爲牲體之數，備見于此矣。司士升豕右脾，髀不升，肩

臂、臑、膊、髀，正脊一，脰脊一，橫脊一，短脅一，正脅

一，代脅一，皆二骨以並舉。肺一，祭肺三，實于一

鼎。豕無腸胃者，君子不食，潤腴。此與上節升羊

皆出自鑊而入于鼎，其文之序則始于肩，終於肺，與下經之出於鼎而載於俎者同。以出入先後之節攷之，似正相反，則此所云者，但據其

已在鼎者上下之次言。雍人倫膚九，實于一鼎。

非謂入鼎之序亦然也。倫，擇其美也。膚，豕脅革肉。先魚腊實之者。

爲與豕同饗也。司士不倫膚以其卑也。司士

又升魚腊，魚十有五而鼎。腊一純而鼎。腊用麋。

下經文司士三人，則此升魚腊各一人也。合升

左右，辨曰純，全也。他篇言腊皆不言其物，此云

用麋，經特於此見之耳。泊邛吳氏曰：下經祝

俎，腊兩髀屬于尻，則此之髀不升，不必言矣。

卒禘，皆設扃，乃舉陳鼎于廟門之外東方，北

面北上。晉猶升也。北面北上，向內相隨。司宮尊兩甒于房戶之

閒，同楸，皆有冪，甒有玄酒。房戶之閒，見士冠醮

章。楸制，解見上。設尊

後博訓解 卷十六 少牢饋食八

卽加罍者。鯀以罍爲蓋也。司宮設壘水于洗東。有料。設篚于

洗西南肆。

料。斛水器也。凡設水用壘。沃盥用料。

蔡氏宸錫曰。經例。水篚與洗並時。

而設。此設洗于概器時。後方設水篚者。文相變也。篚其初在東房。至是乃設于階東南。改

饌豆。籩于房中南面。如饋之設。實豆籩之實。

改更。

爲將實其品。故更設于內。大夫威儀多也。如饋之設。如設于奧時。陳之左右。士讓按饋設東面。此陳如其左右耳。不如其東面也。若如其東面。則象於當祭之時矣。懼褻陳也。小祝

設槃匱與篚巾于西階東。

爲尸將盥。

右實鼎饌器

望溪方氏曰。祭之前夕。陳鼎于門外。主人于
姓兄弟宗。祝衆賓之位。詳于特牲。蓋其義通
乎上下。故于士舉之。而知上者之畧同也。鼎
實之名數。器具之張設。牲體之差等。割制升
載之儀法。則詳于少牢。蓋其事備于尊者。故
于大夫舉之。而知下焉者之差減也。士讓
按大夫祭之品物。增於士。儀文亦多於士。而
臨祭日。方備具。得不失禮者。蓋大夫分尊而
官多。分尊則諸事皆治。無或參錯。官多則執
事足任。無或乏人。此士之祭。所以尙其豫。而
大夫之祭。無不致其敏也。

主人朝服。卽位于阼階東西面。
司宮筵于奧。祝設几于筵上。右之。

更言朝服者。嫌
祭時或異于前。
布陳神位也。
室中西南隅

謂與。席東面。几近南。爲右。特牲祝。選几。大夫官多。故使兩官共之。

主人出迎鼎

除鼎。士盥舉鼎。主人先入。

道之也。主人不親舉。不盥。大夫尊也。惟除

鼎。示有事。望溪方氏曰。大夫不親舉鼎。非以尊而怠于事也。官宿其事。則主人專致其內心。以與神明交。而僂見憮聞。焄蒿悽愴之情愈著矣。喪禮百官備百物具。不言而事行者。扶而起。言而後事行者。杖而起。亦此義也。司官取二勺于篚。洗之。兼執

以升。乃啓二尊之蓋。幕奠于楹上。加二勺于二

尊。覆之。南枋。

曰二尊。兩甒也。蓋幕。蓋尊之幕。玄酒不酌。亦加勺者。重古。如酌者然

也。士讓按二勺上。既滌而概之矣。此復洗之。重酌奠之器。致其潔也。

鼎序入。雍

正執一七以從。雍府執四七以從。司士合執二俎以從。司士贊者二人，皆合執二俎以相從入。

雍正、雍官之長。府其屬也。鼎五而俎六，一爲所俎。云相從入者，嫌並行也。陳鼎于東

方當序，南于洗西，皆西面北上，膚爲下。七皆加

于鼎，東枋。南于洗西，陳于洗西南也。膚爲下，以其加也。東枋，便于執者。既錯鼎加七，

則右人及執七者退。惟左人待載。泊邛吳氏曰：當序，東西節也。南于洗西，南北節也。俎

皆設于鼎西，西肆。所俎在羊俎之北，亦西肆。所俎

在北將先載也。後言之，亦以設在後也。執俎者既設俎乃退。士讓按所俎爲敬尺，尊列五俎

之上而先。宗人遣賓就主人，皆盥于洗。長枹。

長枹亦順席。

長賓先，次賓後之。主人不枹，云就主人者，明其親臨。望溪方氏曰：注謂長枹，長賓先，次賓後，是也。敖氏乃云：賓卽二佐食及司士，蓋以下文未見賓之事耳。不知七之外，賓別無事，而升載之儀數繁，賓以七出之，于鼎，佐食以手承之，乃升而載之於俎，其事本分。特牲亦主人長賓七佐食升載。記曰：佐食於旅，齒于兄弟，則佐食非異姓也。而謂之賓，經無乃自亂其例。佐食上利升牢心舌，載于所俎。

牢，羊豕也。皆有心舌。周禮祭尙肺而事口。

尙心舌者，以心舌知滋味，欲尸之饗此祭也。前實鼎時，不見心舌，故于此明之。利，卽佐食。大夫佐食二人，以上下爲別。升，取所枹出者而升之。于俎也。羊之心舌在羊鼎，豕之心舌在豕鼎，皆

上利升之者，重所俎也。士讓拔羊豕鼎相近，故得兼升，亦以少牢正禮，系統于羊耳。心

皆安下切上，午割勿沒，其載于所俎，末在上，舌

皆切本末，亦午割勿沒，其載于所，橫之，皆如初

爲之于爨也。安，平也。平割其下於載便也。凡割本末，食必正也。午割縱橫割之，使

可絕以祭也，勿沒，勿盡之，不絕其中央少許，爲恐分散也。未入鼎時，先制此心舌，故出爨時亦得如初。敖氏繼公曰：特牲記云：舌縮俎，亦

此云橫之。蓋於俎爲縮，於載者爲橫也。佐食

遷，所俎于阼階西，西縮乃反。既載畢，乃遷之，以豫爲主人，蓋于尸。

乃反，反于羊鼎之東，以待柁升。佐食二人，上利升羊，載右脾，髀

不升肩臂臑膊髀。正脊一，挺脊一，橫脊一，短脊一，正脅一，代脅一，皆二骨以並。腸三，胃三，長皆及俎。拒舉肺一，長終肺。祭肺三，皆切。肩臂臑膊髀在兩端。脊脅肺肩在上。

自右肱至皆切句，言出于鼎之序，升之以

尊卑也，自肩臂臑膊髀在兩端，至肩在上句，言載于俎之體次也。拒，俎距，謂俎足中央橫者也。二肺俱辨長短及切者，以入鼎時未制也。泊邨吳氏曰：重序牲體者，固以明升俎與入鼎多少無異，亦見神尸之俎無一不自鼎升。他俎則無是也。士讓按注云：升之以尊卑者，蓋四體之肩臂臑膊髀尊于三脊，而三脊又尊于三脅也。載之以體次者，蓋肩臂臑膊為前端，其

次則三脊三脅而膊髀爲後脛在後端也。復言脊脅肺肩在上者以上文直言兩端未分上下故須別之也。載不言腸胃者以旣言長皆及俎拒拒當俎中節則腸胃在俎之下中可推矣。肺不先時制之者恐入鼎散亂故當載方制也。下利升豕其載如羊無

腸胃體其載于俎皆進下。

進下謂以每體之下向神位也。羊言其體

豕言其下互相見耳。鄉飲酒禮進腍是本。生人食法也。此言進末是骨之終。交于神明不以食道敬之至也。司士三人升魚腊膚魚用鮓十有五而

俎縮載右首進腍。

縮載謂載而縮俎也。右首據載者視之言魚以腍爲下氣

之所聚也。魚之進腍猶牲之進下。若生人則進鱗。鱗者脊也。尚味也。腊一純而俎

亦進下肩在上。

亦如羊豕。泊邨吳氏曰：鮒鮓也。今作鯽。見爾雅翼。腴，腹也。膾亦體解。但羊豕則專用右體而十

有一。膾則兼左右體十有九耳。

膚九而俎亦

橫載革順。

列載於俎。令其皮相順。亦如其骨體也。上俎云進下。即

橫載也。故此亦之。

右舉鼎載俎

卒盥。祝盥于洗。升自西階。主人盥。升自阼階。祝

先入。南面。主人從。戶內西面。

將納祭也。祝先升亦大夫禮異也。祝

南面負墻。

主婦被。錫衣。侈袂。薦自東房。韭菹醢醢。坐

奠于筵前。主婦贊者一人，亦被錫衣侈袂，執葵

菹羸醢以授主婦。主婦不興，遂受陪設于東。韭

菹在南，葵菹在北。主婦興入于房。

主婦，大夫妻也。錫，敫氏云。

當作緣字之誤也。緣，祿通。內司服曰：緣衣素沙

是也。侈，袂者袂袖也。袪為袖口。士妻之袂二尺

二寸，袪尺二寸。侈其袂蓋半。士妻之袂以益之。

袂三尺三寸，袪尺八寸也。韭菹醢，朝事之豆

也。而饋食用之。豐大夫禮。贊者服同。主婦亦如

賓客之皆朝服也。葵菹羸醢，饋食之豆也。大夫

之分宜用之。其設法，韭菹在南，醢在北。次東

葵菹在北，羸醢在南。是其終也。士讓按被者，

首飾也。詩云：被之僮僮。禘禘，周禮所謂次是也。

錫與緇，古字通。細布也。士喪禮：緇緇，注：緇下

曰錫是錫衣。卽綠衣可。知。追師注。衣綠衣者服次。然則大夫之妻。展衣爲上。綠衣次之。此自祭其家廟。故服之。避助祭於公也。主婦被錫衣。後袂。言大夫妻之服。以被爲首飾。而衣錫衣。袂則侈廣焉。注讀被錫爲髮髻。似誤。敖氏以被爲衣之。又不見首服何服。亦可疑。佐食上

利執羊俎。下利執豕俎。司士三人執魚腊膚俎。

序升自西階。相從入。設俎。羊在豆東。豕亞其北。

魚在羊東。腊在豕東。特膚當俎北端。俎北端當豕北也。五

鼎而俎亦五。主婦自東房。執一金敦。黍有蓋。坐設于

羊俎之南。婦贊者執敦稷。以授主婦。主婦興受。

坐設于魚俎南。又興受贊者敦黍，坐設于稷南。

又興受贊者敦稷，坐設于黍南。敦皆南首。主婦

與入于房。

金敦以金飾之。四敦皆然。特見其一耳。敦有首，亦尊者飾異也。飾蓋象龜。

祭器博庶物也。天子玉敦。

祝酌奠，遂命佐食啓會。佐食啓會

蓋二，以重設于敦南。

酌酒爲饗神，奠之于鉶南。特牲祝洗酌奠，此不云洗。

可知也。先設餘饌至此，乃酌者酒尊物，要其成也。重累之。黍稷各二蓋，各累于敦之南，卻合之。

主人西面，祝在左。主人再拜稽首。祝祝曰：「孝孫

某，敢用柔毛剛鬣嘉薦曾淖，用薦歲事于皇祖。

伯某以某妃配某氏。尚饗。主人又再拜稽首。

曰羊

柔毛。羊肥則毛柔。豕曰剛鬣。豕肥則鬣剛。嘉薦
苴醢也。魯淖未詳。或曰黍稷也。魯大也。淖和也。
德能大和。乃
有黍稷也。

右饗神

祝出迎尸于廟門之外。主人降立于阼階東。西

面祝先入門右。尸入門左。

主人不出迎尸。伸尸
尊也。祝入門右背辟

尸盥也。既
則後尸。

宗人奉槃東面于庭南。一宗人奉匱

水。西面于槃東。一宗人奉篋巾。南面于槃北。乃

沃尸盥于槃上。卒盥，坐奠篋，取巾，興振之三，以

授尸，坐取篋，興以受尸巾。

庭南沒霽處也。侍者奉器就尸北面盥。

敖氏繼公曰：庭南，千入門左之位，爲少北。於此俟之，亦異于士。蔡氏宸錫曰：此宗人有三，卽特牲記所云奉槃執匱執巾者，但彼未必皆宗人耳。

祝延尸，尸升自西

階入，祝從。

延，進也。由後詔相之。

主人升自阼階，祝先入，主

人從。

祝接神人宜先。

尸升筵，祝主人西面立於戶內，祝

在左。

主人居右，尊也。祝俟尸卽席，乃卻居主人左。蔡氏宸錫曰：室中西面，主人之定位。

也。祝位，負北墻南面。有事於神尸，則變位。祝主人皆拜妥尸，尸不言。

儀禮別解

卷十六

少牢饋食 五

尸答拜遂坐。

拜安尸拜之使安坐也。尸自此答拜遂坐而卒食。其間有不啐奠不

嘗餽不告旨大夫之禮異也。蔡氏宸錫曰尸不言象神之恭默也。特牲有嗣舉奠故尸行執與啐酒之禮以始之。少牢無舉奠故初不啐酒與。敖氏繼公曰尸不言則祝主人之妥有辭矣。尸于既拜乃坐亦變于士所以祝反南面。未升筵而未卽坐者以主人尊故也。祝反南面有事也。大夫墜祭爾敦官各肅其職不待祝命之故祝得反。三禮館議南面者祝先入之初位也。迨致祝辭則在左至此尸坐祝無事復其先入之位故曰反。

右尸入

尸取韭菹辨煨干三豆。祭于豆閒。上佐食取黍

稷于四敦。下佐食取牢一切肺于俎，以授上佐

食。上佐食兼與黍以授尸。尸受同祭于豆祭。

羊 牢

豕也。同合也。合祭于菹豆所祭之處也。切肺祭肺也。牢一切肺羊豕各一也。不言稷見其尊者。孔氏類達曰：郊特牲云：祭黍稷加肺報陰也。謂尸墮祭黍稷加之以肺。肺陰類，親形魄歸地，以陰物祭之。故云報陰。上佐食舉尸牢肺正脊以授尸。上

佐食爾上敦黍於筵上，右之。

牢肺，離肺也。不言振祭，齊之，交省耳。

爾，移而近之也。右之，蓋當尸前之南，便尸食也。重言上佐食，明更起，不相因。主人羞

所俎，升自阼階，置于膚北。

云升自阼階，嫌由西階，故明之。置亦橫設。

之。特牲之俎，膚從豕，故所在
脂北。此有膚俎，故胙在膚北。上佐食羞兩鉶，取

一羊鉶于房中，坐設于韭菹之南。下佐食又取

一豕鉶于房中，以從。上佐食受，坐設于羊鉶之

南。皆芼，皆有柶。尸扱以柶祭羊鉶，遂以祭豕鉶。

嘗羊鉶。上佐食受，與受之也。故下云坐設。祭鉶亦于豆祭。士讓按自尸祭韭菹至此

其品物多矣。而尸惟嘗羊鉶而已。未有先食者。蓋羊爲少牢，必先嘗之，以明禮之正也。食

舉。牛肺正脊也。先啗以道氣。三飯。食。上佐食舉尸牛幹尸受。

振祭，齊之。佐食受加于胙。幹，正也。上佐食羞兩

瓦豆有醢亦用瓦豆設於薦豆之比。

越兩者加也。羊豕在

南豕豕在北無腫腫。

蔡氏宸錫曰凡薦豆用

木豆則加豆其皆用瓦豆歟。瓦豆謂之登亦曰

鐸。

尸又食食哉。上佐食舉尸一魚尸受振祭。噲

之。佐食受加于所橫之。

此四飯也。或言食或言飯。食大名飯小數一口

謂之飯。魚橫之異於肉。

敖氏繼公曰尸食哉

亦異于士。橫之象其在魚俎也。此亦于俎爲縮

于人爲橫。然則佐食於加物于所俎之時其亦

西面與。

望溪方氏曰。特牲舉幹鬐肩皆以獸

魚從以合九飯之節也。少牢分魚腊爲二。又以

橫載者皆據俎言也。言橫

之者皆據人設之言也。

又食上佐食舉尸腊

肩尸受振祭，齎之上。佐食受加于所。

此五飯也。腊魚惟一。

舉者以少牢牲盛，畧其細也。腊如牲體甚多，惟舉肩，肩爲尊，取成於終爲義。魚腊不同，時舉大夫禮，崇威儀。敖氏繼公曰：此言上佐食受，則前後所謂佐食受者，皆其上者。又食，上

佐食舉尸牢幣如初。

此六飯也。如初，如舉幹。

又食。

此七飯也。不舉

者，卿大夫禮不

過五舉。須侑尸。尸告飽，祝西面于主人之南，獨

侑，不拜。侑曰：皇尸未實，侑。

侑，勸也。祝獨勸者，與主人相更勸，則尸飽。

實猶飽也。祝既侑，復反南面位，士尸三飯而侑，大夫尸七飯而侑，諸侯尸九飯而侑，天子尸十一飯而侑。敖氏繼公曰：侑尸，祝固不拜矣。乃言之者，嫌下文主人拜侑，祝獨侑或當拜也。

尸又食

此八飯也。承上既侑。

上佐食舉尸牢肩。尸受振祭。

嚼之。佐食受加于所。

四舉半體始于正脊。終于肩。尊於始終。

尸不

飯告飽。祝西面於主人之南。

當贊主人之辭。

主人不言。

拜侑。

祝爲之辭。故可以不言。

尸又三飯。

爲祝一飯。爲主人三飯。尊卑之差。此

三飯爲加也。遞上凡十一飯。禮成。

上佐食受尸牢肺正脊。加于

所。言受者。尸授之也。受牢幹而實舉于菹豆。今食畢。操以授佐食焉。佐食亦反上敦黍于其

所。不言。經文畧也。

右尸正祭

主人降洗爵升北面酌酒乃酌尸尸拜受主人

拜送。

云北面酌酒見凡酌于此皆之面位也。傳東西設勺南枋而北面酌之則非酌于此

者其面位亦可得而推矣。

尸祭酒啐酒賓長羞牢肝用俎縮

執俎肝亦縮進末鹽在右。

縮執俎者執其左右廉也。肝稱牢兼羊豕

也。鹽在肝右便于尸換之。

敖氏繼公曰肝進末即體進下之意。祭禮進末則昏禮之肝從當

進本也。

尸左執爵右兼取肝換于俎鹽振祭齊之

加于菹豆卒爵主人拜祝受尸爵尸答拜。

敖氏繼公

曰尸未授爵而主人拜故祝亦不相爵皆大夫禮異也。下凡與特牲異皆皆放此。士讓按羞

兼羊豕其齎之。先羊後豕可知。祝酌授尸。尸醋主人。主人拜受爵。尸答拜。主人西面奠爵。又拜。主人受酢酒俠面奠爵受爵而反位時也。

右主人酌尸尸醋

上佐食取四敦黍稷。下佐食取牢一切肺。以授上佐食。上佐食以綏祭。以綏祭者謂佐食授黍稷肺與主人為墮禮也。

主人左執爵。右受佐食。坐祭之。又祭酒。不興。遂啐酒。右手受墮於佐食而坐祭之。將受尸饋也。主人恆立有事則坐。祝與二佐

食皆出，盥于洗，入。二佐食各取黍于一敦。上佐

食兼受，搏之以授尸。尸執以命祝。

三人皆爲將，執所嘏之物。

而盥，敬其事也。各取黍，上者取于上敦，下者取于下敦也。命祝者，命以嘏辭。

卒命祝。

祝受以東北面于戶西，以嘏于主人曰：「皇尸命

工祝，承致多福，無疆于女孝孫。來女孝孫，使女

受祿于天，宜稼于田，耆壽萬年，勿替引之。」

受，受也。黍也。

東北面向主人。於戶西者，爲尸致嘏，宜近尸也。嘏，大也。予，主人以大福來。如來禹之來，欲其進而受黍也。特牲尸親嘏，此大夫尸尊而禮交，故尸使祝嘏。方氏百川曰：周官不耕者祭無盛。士

無田則從庶人之薦。故雖卿大夫之尊，視祿之辭，不過宜稼于田而已。雅詩有楚茨大田，頌有載芟良耜。自天子以至庶人，但能知稼穡之艱難，則百行有本，所以爲萬福之原也。主人坐奠爵，興再拜稽首，興受黍，坐振祭，齊之。詩懷之，實于左袂，挂于季指，執爵以興，坐卒爵，執爵以興，坐奠爵，拜尸答拜，執爵以興，出宰夫以遵受齋黍，主人嘗之，納諸內。

坐奠爵者，將立聽嘏也。詩，猶承也。實于左

袂，便右手也。季，猶小也。出，出戶也。宰夫，掌飲食之事者。收斂曰齋，明豐年乃有黍稷也。特性祝以遵受，此宰夫以遵受，大夫禮異也。主人復嘗之，重受祿之至。納，入也。三禮館議云，特牲尸

親嘏主人注云其辭則少牢禮有焉是士與大夫嘏辭相同。只士親嘏不命工祝。則首句須易之耳。

右尸命祝嘏

主人獻祝設席南面。祝拜于席上。坐受。

亦先設席乃酌

獻之。文逆叙耳。拜于席上坐受者爲室中迫狹。

主人西面答拜。薦兩豆。

薦者亦宰夫也。下篇云主婦獻祝宰夫薦。藜藿此宜如之。兩豆韭菹醢醢也。蓋祝邊

以尸之上邊。則其豆亦當以尸之上豆也。

泊

郵吳氏曰大夫祭雖無朝事而豆則以朝事始之。韭菹醢醢上經薦于尸者它然無嫌也。祝殺其二而非菹醢醢則同。敖氏以上邊例之是也。

佐食設俎。牢髀橫脊一。短脅一。腸一。胃一。膚三。

魚一。橫之。腊兩髀屬于尻。牢兼羊豕。髀皆右髀也。脊脅不二骨者。俎

實已多也。祝下尺所升皆下體。魚橫者亦據人

而言也。牢體皆橫于俎。于人爲縮。魚殊之于俎

爲縮。于人爲橫矣。腊兩髀不殊。皆取尸俎之不

用者。泊卯吳氏曰。尻兩髀中有竅處也。兩髀

屬之。則載於俎之末端。歟。祝接神

算之。故雖下尺而俎實之多如此。祝取菹。換于

醢。祭于豆間。祝祭俎。大夫祝俎無肺。祭用膚。遠

耳。祭酒。啐酒。肝牢從。祝取肝。換于鹽。振祭。嘑之。

不興。加于俎。卒爵興。

俎。牲俎也。不拜既爵。主人

大夫祝賤。變於士禮。

少牢饋食

酌獻上佐食。上佐食戶內牖東北面拜，坐受爵。

主人西面答拜。

取節於牖見其少西於其他之北面拜者。凡室中北面拜者皆

在戶牖間。其言戶西者則近于戶。其言牖東者則近于牖。士讓按祝有設席佐食無設席經

但著其位。

佐食祭酒卒爵拜坐授爵興。

不啐而卒爵禮畧也。興則

出立戶外負辰。

敖氏繼公曰拜蓋衍文。祝與佐食皆不拜既爵者遠下尸亦大夫禮異也。

俎設于兩階之間其俎折一膚。

不得成禮于室中有胥而無薦

皆遠下尸折折半正體之餘骨。

主人又獻下佐食亦如之其胥

亦設于階間西上亦折一膚。

上下佐食既獻則出就其俎。特牲記

云、佐食無事則中庭北面、謂此時卒爵、則主人受爵以實于下篚、而升復位。

右主人獻祝及佐食

有司贊者取爵于篚以升、授主婦贊者于房戶。

篚、下篚也。婦人不下堂、不可取爵于庭、故有司爲取之。戶字誤、當爲東宇。以下經授婦贊者于房東、而可知也。內則祭相授器、女授以篚。無篚、坐奠而後取。此當亦然。又不具耳。婦贊

者受以授主婦。主婦洗于房中、出酌入戶、西面

拜獻尸。

入戶西面拜、由便也。不比面者、辟人君夫人也。拜而後獻者、當俛拜也。昏禮曰、

婦洗在北堂、

尸拜受。主婦主人之北、西面拜送

爵。

士讓按主婦拜送爵，必立于主人之北。若祭

必夫婦親之。主婦在北，則主人在南矣。亦以見妻之齊有所統也。然則士妻何以比面歟？則注固云辟內子也。尸祭酒卒爵。

主婦拜祝受尸爵。尸答拜。

尸不啐而卒爵，爲無從也。士讓按，特牲

主婦亞獻時，宗婦執兩邊，兄弟長以燔從。此無者，特牲室中成禮，無賓尸於堂之事，故卽備邊燔。此別行賓尸，几劍豆邊滂胥燔，皆于賓尸時進之。禮各異也。易爵洗酌授尸。

祝易爵，易下下，篋也。酢而易爵，亦內子禮異也。下篋在洗西，故因易爵而洗之。男女不同爵。

主婦拜受爵。尸答拜。

主婦受酢，不夾爵拜。亦變于不賓尸禮。上佐

食綏祭。主婦西面于主人之北受祭，祭之。其綏

祭如主人之禮。不嘏。卒爵拜。尸答拜。

士妻撫祭。內于受祭。

又有于房于室之異，皆相變也。不嘏，夫婦一體。

士讓按神則以某妃配，不別尸，設同几。人則

主婦亞獻，不嘏。幽明

主婦以爵出，贊者受。

贊者有司

者。贊之故，皆陰統於陽。

右主婦亞獻尸，尸酢主婦。

易爵于篚，以授主婦于房中。

易爵，亦有司授婦贊者。婦贊者受于

房戶外。入授主婦。敖氏繼公

主婦洗酌獻祝。

祝拜，坐受爵。主婦答拜於主人之北。卒爵不興。

坐授主婦。

不俛拜。下尸也。

主婦受，酌獻上佐食于戶內。

佐食北面拜，坐受爵。主婦西面答拜。祭酒卒爵。

坐授主婦。主婦獻下佐食，亦如之。主婦受爵以

入于房。

爵入于房，奠于內篚。佐食俱不俛拜，降等也。

士讓按于祝，二

食不見洗文，簡中又有等也。其相接器則同，以當祭故也。

右主婦獻祝與佐食

賓長洗爵，獻于尸。尸拜受爵。賓戶西北面拜送。

爵。尸祭酒，卒爵。賓拜祝受尸爵。尸答拜。

此賓長獻尸尸

不止爵與特牲異者。彼欲神惠均于室中。此大夫有賓禮。故異也。其不賓尸。則止爵與特牲同。祝酌授尸。賓拜受爵。尸拜送爵。賓坐奠爵。遂拜。執爵以興。坐祭。遂飲。卒爵。執爵以興。坐奠爵。拜。尸答拜。賓受酢。俠拜。與夫奠爵拜執爵與之類。皆放主人事尸之禮爲之。賓酌獻祝。祝拜。坐受爵。賓北面答拜。祝祭酒。啐酒。奠爵于其筵前。祝啐酒而不卒爵。不獻佐食。將饋尸。禮殺也。敖氏繼公曰。筵前席南也。蓋北面奠之。奠于此者。明其與他奠爵之禮異也。祝不卒爵。又不及佐食。蓋放不賓尸末獻之儀。

右賓長獻尸祝

主人出立于阼階上西面。祝出立于西階上東

面。祝告曰利成。

特牲戶外告，此禮於階上，尊者彌遠於尸。

祝入，尸謏

起。

主人降，立于阼階東西面。祝先，尸從，遂出于

廟門。

迎尸送尸，皆據廟門為斷。尸出，祝宜告以主人將有事，請就次。以祭畢，即行備尸之

禮也。

右祭畢尸出

祝反，復位于室中。主人亦入于室，復位。祝命佐

食徹所俎。降，設于堂下。阼階南。徹所俎，不出門，亦將饋尸也。不賓尸之禮，尸出則上佐食出，尸俎于廟門外。有司受歸之。阼階南，近於向所升處。

右徹所俎

司宮設對席，乃四人饗。

大夫禮，四人饗，明惠大也。士只二人。泊邨吳

氏曰：設對席而四人饗，則二人共一席矣。西面之席當少北，以主人之位在其南也。上佐

食，盥升，下佐食對之。賓長二人備。

二人，謂長賓及衆賓長也。

三饗亦盥升。此佐食皆同姓，故使賓長對之。其位皆不東西相當。上佐食東面，居尸坐處。下佐食西面，近北。一賓長在上佐食之北，一賓長在下佐食之南。蓋佐食爲正居右，而賓皆居左也。

亦以室中之事佐食與尸周旋久而闕一獻神
惠宜首及賓長助獻因得陪食也。望溪方氏
曰。養親者之事也。嗣不舉奠則以二佐食爲上
養。若皆異姓則佐食不得先于賓矣。以此知上
經宗人所遺之賓。故氏以佐食當之非也。士
讓按大夫嗣既不舉奠故亦不與於餼也。佐食
自餼之後無事矣。當與司士進一敦黍于上佐
祝退就饋尸堂下位與。

食。又進一敦黍于下佐食。皆右之于席上。

餼用黍。右。

之。便取也。東面。右在南。西面。右在北。

泊邛吳

氏曰。祭統言餼者祭之末也。善終者如始。餼其
是矣。凡餼之道。每變以衆。所以別貴賤之等。而
興施惠之象也。是故以四簋黍。見其修于廟中
也。四簋黍者。記者謂士二簋。餼以一。大夫四簋
餼以二。諸侯六簋。餼以四。若天子八簋。餼以六。

也。其二簋不以餒者，留其有餘，神惠不可盡也。蓋古者大夫士四時之祭，有用燕禮者，有用食禮者，用燕禮則有樂，用食禮則無樂。特牲少牢皆食禮，故名饋食而無樂也。觀特牲尸九飯，少牢尸十一飯，則用食禮明矣。

資黍于羊俎兩端，兩下是餒。

資猶

減也。兩端當肩與幣之處也。兩下，二賓長也。餒主於二佐食，故以二賓長爲下。減黍置于羊俎兩端，則一賓長在上，佐食之北，一賓長在下，佐食之南。泊邨吳氏曰：上文云徹肝俎，此云資黍兩端，則五俎之設，自若也。俎設自若，不分簋而資黍于俎，皆大夫禮異也。

司士乃

辯舉，養者皆祭，黍祭舉。

辯舉，膚以授四人。特牲云：舉各一膚。此大夫餒

禮亦然。膚，師

在特俎者。

主人西面三拜，養者養者，奠舉于

俎皆答拜。皆反取舉。

三拜。旅之。示備也。奠舉各於近處。皆答拜。答一拜也。

言反者。拜時或去其席。在東面席者東面拜。在西面席者皆南面拜。嫌與主人同位也。司

士進一鉶于上。養。又進一鉶于次。養。又進二豆

滑于兩下。乃皆食。食舉。

二鉶。上養羊。下養豕。滑。肉汁也。二滑亦羊豕各

一。神坐之上。只有二鉶。已進于上下佐食。故更羞二豆。滑于二賓長。滑從門外。簠中來者。皆食。食豕也。食舉。食膚也。卒食。主人洗一爵。升酌以授上。養贊

者。洗三爵。酌。主人受于戶內。以授次。養。若是以辯。皆不拜受爵。主人西面三拜。養者。養者奠爵。

皆答拜。皆祭酒。卒爵。奠爵皆拜。主人答一拜。

贊

亦宰夫也。每於將酌乃洗爵。文總言之耳。不拜受爵人多。重勞主人。一一答之也。答一拜畧也。周禮九拜所謂奇拜也。

養者三人興出。

出降實爵于篚。皆反位。

上養

止。主人受上養爵。酌以醋于戶內。西面坐奠爵。

拜。上養答拜。坐祭酒。啐酒。

主人啐酒者為聽。士讓按主人白酌。

者達養者之意欲酢主人。且與特牲上養親酌之禮相變也。

上養親嘏曰。主

人受祭之福。胡壽保建家室。

親嘏不使祝。且不以黍。惟以辭別於

尸也。胡壽猶耆壽。老人頷下有胡。

主人興。坐奠爵拜。執爵以興。

坐卒爵拜。

重嘏故其禮盛。至是乃云興是坐聽嘏也。亦殺於尸。

上養答拜。

上養興出主人送乃退。

主人奠爵上餞不受。示禮有終。且爲有司將徹

也。出出戶送送於戶外。尙未出廟門。故不拜。賓以出爲退。主人以入爲退。望溪方氏曰。特牲祝再戒養者。而少牢無之。少牢養嘏主人。而特牲無之。何也。特牲之餞。嗣子及兄弟也。故主人與祝原祖考之意。以戒之。少牢之餞。族子弟也。且有異姓之賓。何爲申戒之哉。若祭之終有嘏。乃原祖考之心。欲子孫常保天祿。族子弟爲佐食。故可以傳嘏詞。若特牲之上餞。則嗣子也。本非事神佐尸之人。安得傳神語以致嘏哉。士讓接特牲主人。祝曰。養有以也。見興惠逮下之意。少牢上養嘏曰。主人受祭之福。胡壽保。建家室。則歸福于上之意也。

右行餽

右少牢饋食禮

凡十八節經
文止無記

儀禮訓解卷十七

安溪王士讓述

有司徹第十七

此少牢下篇也。以簡帙多，分爲二卷，與既夕同。於五禮屬吉禮。徹者，徹室中之饋及饔者之豆爵，與祝之薦俎也。蔡氏宸錫曰：祭統言天子之祭，與天下樂之。諸侯之祭，與竟內樂之。然則大夫之饋尸，亦率其賓客宗族，家臣以樂尸也。饋尸爲正禮，不饋尸爲禮之殺。故另起若不賓尸。如士冠禮，若不醑，則醑用酒。士昏禮，若不親迎，則婦入三月。然後婿見一例。敖氏以爲古今文質異宜，或五方風俗異尚，是也。又時祭有四，或三時饋尸，而一時

不儻尸。或秋冬儻尸而春夏不儻尸。惟人酌行之耳。

行司徹。

有司者，司馬司士宰夫之屬也。無室事則凡室中所有，悉徹而空之。室中之饋

也，酌奠之，解也。祝之二豆也，一俎也。羹者之二豆，清也，四爵也。其在外，則所俎已設于堂下，階南。二佐食之薦俎，本設于兩階間。悉徹之，但尸俎所俎，則出之，饗以待饗。祝佐食之薦俎，則當各設之于其堂下之位。其餘豆、銅、諸物，各歸其所，以**埽堂**。此埽曰埽，正祭時，堂已待撤除。**埽堂**，今為儻尸新之。**司宮攝酒**，攝，因前正祭之酒，更添益整新之。蔡氏宸錫曰：攝，說文解為引持，此疏又云添益，則是持酒以益尊。所謂貳也。天官酒正，大祭三貳，中祭再貳，小祭一貳，皆有酌數。

乃饗尸俎。

鑊。溫也。說文云。於湯中燔肉也。俎之實。謂尸前之羊豕魚。及所加于胙俎者也。蔡氏宸錫曰。敖氏謂祝與佐食亦與賓尸之禮。其俎實不燔者。以無上位。故畧之。但因其故俎而已。然則祝若同姓。則在堂下兄弟之列。若異姓。則在堂下衆賓之列。泊邨吳氏曰。正祭時所升者。尸俎而外。惟祝與二佐食之俎而已。其餘則皆存乎饗也。將賓尸。則凡賓兄弟公有司私人內兄弟之胥。雍人皆自饗載之于俎。饗中直有清而已。乃以尸俎投而燔之。卒燔。乃升羊豕魚三鼎。無腊與膚。乃設扃鼎。陳鼎于門外。如初。無腊與膚者。僎尸之禮。殺於五。如初者。如廟門之外。東方北面北上。士讓按下文載俎實。尸膚五。侑膚三。主人膚三。主婦膚一。是有膚也。經言無膚。言無專鼎耳。注以腊爲庶羞。而敖

氏又云腊全不用者以鼎數宜奇禮
既貶于祭腊又賤故併去之敖說長

右徹饋乃爇尸俎

乃議侑于賓以異姓

侑之爲言佑也所以輔尸
者議侑于賓謂與賓長謀

衆賓中之可爲者如鄉飲酒就先生而謀賓介
之意用異姓廣敬也此時主人及賓有司已在
內位士讓按侑不以同姓而以異姓者尸雖
同姓子行然此時則以賓道待之矣若侑以同
姓是類於族人燕私之節也故尸暫爲賓卽輔
之以賓且以位言之尸席戶西南面如鄉飲之
賓侑席西序東面如鄉飲酒之介
侑必異姓乃可以位于西方也
宗人戒侑
戒
告也南面告於其
位戒曰請子爲侑
侑出俟于廟門之外
待於次
當與尸

更入。主人興禮事尸。極敬心也。

右立侑

司宮筵于戶西南面。爲尸席也。又筵于西序東面。爲侑

席也。尸與侑北面于廟門之外西上。北面者賓尸而尸益卑尊

大夫西上者賓位尙左。主人出迎尸。宗人擯。正祭主人不迎尸以伸尸

之尊。此迎之。待以客禮也。向者祝擯尸神象也。今宗人擯賓尸也。主人拜。尸答

拜。主人又拜侑。侑答拜。主人西面。答拜者皆東面。主人揖。先

入門右。道尸入門左。侑從亦左。揖乃讓。設霤相揖至階

又主人先升自阼階。尸侑升自西階。西楹西北

面東上。

尸升三等侑從之中等。蓋如上下射升降之儀。

主人東楹東北

面拜至。尸答拜。主人又拜侑。侑答拜。

拜至喜之。三禮館

議辨飲酒禮。賓升主人先拜至與賓成禮。既乃與介揖讓升。又拜至與介成禮。此則尸侑同時升而主人之拜至亦相踵爲之與彼禮異。

右迎尸侑

乃舉。

舉鼎也。舉者不盥。殺於正祭。

司馬舉羊鼎。司士舉豕鼎。

舉魚鼎以入。陳鼎如初。

司馬二人。司士四人也。如初。如阼階下西面北。

上。

雍正執一匕以從。雍府執二匕以從。司士合

執二俎以從。司士贊者亦合執二俎以從。匕皆

加于鼎，東枋。二俎設于羊鼎西，西縮。二俎皆設

于二鼎西，亦西縮。凡三匕，鼎各一匕。四俎，乃尸

亦北上如鼎之序。其載之，亦先北而後南也。此

皆羊俎，其二乃皆設于豕鼎魚鼎西者，欲使鼎

前皆有俎也。士讓大夫以羊爲上牲，故篇名

少牢。此儗尸諸品皆統於羊，故羊鼎特先序之。

執羊匕者亦先序之。雍人合執二俎，陳于羊俎

而羊俎俱并序之。

西，盆皆西縮。覆二疏匕于其上，皆縮俎。西枋。

此

俎。為益送之俎也。羊俎。指在羊鼎西首也。二俎陳于其西。亦北上。其北俎。次賓以羞羊。匕。清。豕。匕。清。其南俎。司馬以羞羊肉。清。司士以羞豕。清。魚也。疏。匕。匕。柄有刻飾者。二疏。匕。羊豕之清。宜異器也。覆之。為塵也。縮俎。西枋為縮執俎者在西也。

右陳設鼎俎

主人降受宰几。尸侑降。主人辭尸對。

几所以安體。几為尸

侑亦降者。從尸也。几尸為禮類。此者侑則從之。此所以謂之侑也。宰授几。主人

受。二手橫執几。揖尸。

几自東壁來。其授受于阼階。東與獨揖尸者。几禮主

于尸。主人升。尸侑升。復位。

位。阼階賓階上位。

主人西面。左

手執几。縮之。以右袂推拂几。三。二手橫執几。進

授尸于筵前。

拂几則縮。授几則橫。從便也。衣袂謂之袖。推。進也。拂。却也。俱以袂爲

之。去塵

示新也。尸進。二手受于手閒。

此亦訝受也。主人

併二手執几中閒。主人執几執外廉。尸受于主人之手閒。執內廉。授者極慎。受者極恭也。主

人退。尸還几。縮之。右手執外廉。北面奠于筵上。

左之南縮。不坐。

尸橫受几。將欲縱設于席。故還之使縮。以右手執几外廉。比鄉

設于席也。左之者。異于鬼神。生人陽。長左。鬼神陰。長右。不坐奠之者。几稍高。少儀云。取俎進俎不坐。其意類此。泊邨吳氏曰。此以筵爲左右。不以設之者爲左右。故在東也。主人東

楹東北面拜。

拜送几也。

尸復位。尸與侑皆北面答拜。

侑拜從尸。

右授几

士讓按几設几見于經者神人尊卑之禮各別。士昏納采，筵于戶西，西上。

右几，尊神也。醴賓徹几，改筵東上，几左之，爲人也。覲迎，主人筵于戶西，西上，右几，奠某，席于廟奧東面，右几，皆爲神也。聘禮，使者釋幣，有司筵几，聘時設几，筵，使者歸至于禴，筵几，皆爲神也。禮賓時，宰夫徹几，改筵，則爲人者也。有設而不授者，公食大夫，足也。覲禮，侯氏授几，尊王便也。王設斧依左右几，王尊也。特牲祝初筵，几于室中東面，改饌，則几在南，皆爲神也。少牢祝設几于筵上，右之，亦爲神也。至有司徹饋尸而主人授几，則全乎人矣。几

經用几者備載

于此以見例。

主人降洗尸。侑降尸。辭洗。主人對。卒洗。揖。主人升。尸侑升。尸西楹西北面拜洗。主人東楹東北面奠爵答拜。降盥。尸侑降。主人辭。尸對。卒盥。主人揖升。尸侑升。主人坐取爵酌獻尸。尸北面拜受爵。主人東楹東北面拜送爵。其儀蓋皆如鄉飲酒。主婦自東房薦韭菹醢。坐奠于筵前。菹在西方。婦贊者執昌菹醢。以授主婦。主婦不興受。陪設于南。

昌在東方。興取籩于房，麴黃坐設于豆西。當外
列麴在東方。婦贊者執白黑以授主婦。主婦不
興受，設于初籩之南。白在西方。興退。

昌，目本也。韭，菹之醢。

醢，醢也。昌，菹之醢。麴，麴也。麴有骨而醢無骨，但
精亦可稱醢耳。麴，熬麥。黃，熬麻。白，熬稻。黑，熬黍。
此皆朝事之籩豆。大夫無朝事，而用以饋尸。豐
其禮也。但天子八籩八豆，此只取其四。亦降殺
也。先獻後薦，異于祭也。陪設，重列之也。主婦取
籩與首，以異饌親之。當外列者，麴在麴西，辟
亞獻之設，劍也。退，退入房。泊邗吳氏曰：大夫
當日饋尸設俎，而不更殺，所以降于釋。且日力
不給也。其他籩豆則皆新之。故用昌菹麴，以
見韭菹醢亦不仍正祭之舊也。士讓按昌

滋醢及饗黃白黑六物。正祭時不陳而盛於儻尸者。待以賓禮。特新其饌。豐之也。

右主人獻尸主婦薦豆邊

乃升。

升牲體于俎。

司馬牝羊亦司馬載。載右體。肩臂

肫。髀。臠。正脊一。臠脊一。橫脊一。短脅一。正脅一。

代脅一。腸一。胃一。祭肺一。載于一俎。

凡升羊者皆司馬爲

之。特于此見之耳。上言設尸俎。而此肩臂肫髀臠具有。明神俎與所俎並用也。復序俎實者。其數及載與進俎之法。皆有異于上故耳。臠後于髀者。以其折也。臠必折者。貶于神俎。且欲以所折者爲肉清俎也。其脊脅皆一骨。及腸胃各一者。義亦如之。賓尸主于飲酒。而有祭肺者。盛禮

也。一沮爲司士所設。羊鼎西之比俎也。俎載則
侑主人主婦之羊俎亦繼此而序載之。每俎既
載則遷之于阼階西亦北上西階俟時乃設
耳。所以然者爲當進羊匕。消羊肉消于尸也。羊
肉消。臠折。正脊一。正脅一。腸一。胃一。膾肺一。載
于南俎。此爲尸之加俎也。羊肉消。臠折者。折臠
體之肉于消中以增俎實也。消汁也。豕
亦有豕消而名膾者。互見爲文。言膾者見在俎
無汁。言肉消者見在鼎內時有汁也。惟在俎無
汁故下經進羊肉消必先進羊匕消見此消爲
肉而有故在羊肉消前進之使尸嘗而甘之也。
羊有正俎。羞匕消。又羞肉消。豕無正俎。魚無匕
消。隆污之稷也。凡羊肉消與豕脊消魚皆俟時
而載。因升正俎之節而遂見之。欲其
文相比耳。南俎。雍人所設在南者。司士。杞豕。

亦司士載。亦右體。肩臂肫骼臠。正脊一。脰脊一。

橫脊一。短脅一。正脅一。代脅一。膚五。噉肺一。載

于一俎。

凡升豕皆司士爲之。此所謂豕脅也。豕無正俎。故此尸俎之體骨皆放于羊俎。

此俎與羊肉清俎同。皆棄人所設于羊俎西之南俎。更爲虛實而遞送之者也。豕臠不折。亦序于下者。俎羊也。俎羊左肩左肫。正脊一。脅一。腸一。胃

一切肺一。載于一俎。俎豕左肩折。正脊一。脅

一。膚三。切肺一。載于一俎。

牲右體皆在尸俎。故此降而用左焉。俎無

羊肉清。故羊俎得用二體。前體以肩。後體以肫。算之也。有肩有肫。則肫在下端矣。羊俎亦用祭

肺者與尸俎同在堂上。因其禮也。昨俎亦然。飲酒正禮。祭以雞肺。其以切肺者。或盛之。或有爲加之。或因之。非常禮也。豕左肩折。不用全體者。折分爲長兄弟俎也。豕脰體數。殺于羊俎。又無羊肉滄。皆下尸也。脰之羊俎。在羊鼎西之南。司士所設也。脰之豕俎。與尸之豕脰。同用南俎。

昨俎。羊肺一。祭肺一。載于一俎。羊肉滄。臂一。脊

一。脊一。腸一。胃一。膾肺一。載于一俎。豕脰。臂一。

脊一。膾一。膚三。膾肺一。載于一俎。

尸牲俎三。主人亦如之。而

正俎無體。遠下尸也。以肺代之。肺氣主。尊也。正俎太貶。故加俎用尊體。其脊脰之屬亦不嫌與尸同也。臂不言左。可知也。豕脰猶言豕俎也。不言肉滄者。交互見也。豕脰體數。乃放羊肉滄者。

亦以正俎太簡故耳。此羊肉。主婦俎。羊左臠。脊
清豕脰皆遞送之俎。與尸同。一、膾一、腸一、胃一、膚一、齊羊肺一、載于一俎。此

婦一俎也。有正俎而無豕脰、下侑也。必用膚者
有羊無豕、特加豕膚以見意也。羊肺在下。貴所
祭、殊之也。其俎前。司士所設在魚鼎西。而後此
設于房中者。士讓按肺有二種。而稱名有六。
曰祭。刊切者。祭肺也。曰舉。離膾者。食肺也。祭肺
尊而食肺卑。今尸俎祭食肺皆有之。侑俎惟祭
肺。昨俎則皆有。主婦俎惟
食肺。觀此可知禮之序。司士杞魚亦司士載。

尸俎五魚橫載之。侑主人皆一魚亦橫載之。皆
加臠祭于其上。二司士舉魚鼎者也。橫載之亦
縮俎。其于載者則為橫。此益送

之俎。載時皆橫執之。與羞之之時異。於斯見之矣。凡經言載俎之例。惟云橫載者。據俎而言也。加以之字者。據載者而言也。此三羞。滂魚亦送。用南俎。應讀如殷。嘑之嘑。剝魚時。剝其腹以爲大饗。可用以祭也。泊邨。吳氏曰。尸之魚俎。不與前併序之。而在此者。欲使魚俎三爲類也。

右司馬司士載俎

泊邨。吳氏曰。正俎四。可預載。不必俟時。其益送之俎

十有二。尸則羊七。滂也。羊肉滂也。豕七。滂也。豕香也。滂魚也。凡五。侑則豕香也。滂魚也。凡二。主人與尸同。亦五。合之爲益送者。十有二。而皆以雍人所設。于羊俎西之二俎。更迭往還。實升虛降而遞送之。其羊七。滂。豕七。滂。有滂無肉。無體載之事。故不列于載俎之類。而但著挹注之法。于乃升之後。以見例耳。羊肉。豕香。滂魚。蓋皆實之南俎。其北俎則以盛

匕濟而與之相間以送焉。

卒升。

卒，已也。已載尸羊俎。士讓接此承司馬

北載尸羊俎而言。蓋當主人酌獻尸主婦薦豆邊之時。司馬卽北載尸羊俎而卒升矣。其侑主人主婦之俎。當相繼而序升之。賓長

設羊俎于豆南。

賓長上賓也。設自賓長。尊尸之正俎。昨俎亦然。賓降尸

升筵自西方。

上讓按升自西方。如鄉飲酒之賓。

坐左執爵。右取

韭菹。煨干三豆。祭于豆閒。尸取饗。黃宰夫贊者

取白黑以授尸。尸受兼祭于豆祭。

以上尸祭豆邊。泊柳吳

氏曰。上經尸拜受爵復位。尸爵猶右手執之。未奠也。主婦設薦。賓長設俎。于是口乃升筵。斯須

之開耳。以堂上薦豆。雍人授次賓疏匕與俎。

受于鼎西。左手執俎左廉，縮之。卻右手執匕枋。

縮于俎上。以東面受于羊鼎之西。司馬在羊鼎

之東，二手執挑匕枋，以挹清，注于疏匕。若是者

三。疏匕與俎，有羊俎西之比者也。匕清先于肉

縮俎西枋，而此左手執左廉，卻右手執匕枋，以

受清。是身當俎下端也。然則凡縮俎者，皆當其

下端矣。左手執俎左廉，乃縮之。是授受時皆橫

執俎也。縮執俎，以受于鼎西者，惟此與禾匕清

耳。二匕皆有淺升狀，如飯簋，而挑長枋，可以行

物于器中者。注，猶寫也。二手執之，敬其事不游。

手也。士讓按昏禮犬羹滷在羹，尚熱也。此滷

雖已在鼎，遠于爨，然其挹之，亦臨嘗食方取之。

挹之三者，禮以三爲成也。以挑匕

注于疏匕，則挑匕小，疏匕大，可知。尸興，左執爵，

右取肺，坐祭之。祭酒，興，左執爵。

肺，羊祭肺。次賓縮執

匕俎以升，若是以授尸。尸卻手受匕枋，坐祭，齊

之興，覆手以授賓。賓亦覆手以受，縮匕于俎上

以降。

此尸嘗匕中羊滷也。必嘗之，尚味也。滷不

祭，此祭之，重在俎也。敖氏繼公曰：若是

者，謂執匕俎之儀無變也。卻手受匕枋，則匕內

向，而便于用。覆手以授賓，明其變于有事之時。

次賓亦覆手以

受，統于尊者也。尸席末坐，啐酒，興，坐奠爵，拜告

義禮加詳 卷十七 有司徹 七

占執爵以興主人北面于東楹東答拜。

上篇正祭尸不

啐奠不告旨。大夫之禮尸稱尊也。此饋尺則賓道矣。故啐奠告旨也。不降筵者尙有後事。主人北面于東楹東是復位也。士讓按特牲尸告

旨。主人拜尸答拜。此尸先拜主人答拜者彼正

祭尸尊。此饋尸卑。同于賓禮也。鄉飲

酒鄉射禮皆先拜而後告旨亦此意。司馬羞羊

肉清縮執俎尸坐奠爵與取肺坐絕祭嘑之興

反加于俎。司馬縮奠俎于羊湑俎南乃載于羊

俎卒載俎縮執俎以降。

此卽尸之加俎也。絕祭絕末以祭也。上文匕清

使次實。此肉清使司馬大夫禮多崇敬也。士

讓按此乃以實俎奉而進。遂將肉清益載之于

羊俎而以盧俎降也。縮奠俎于羊清俎南之清字。楊氏、敖氏皆以爲衍文。尸坐執爵。

以興。次賓羞羊燔，縮執俎，縮一燔于俎上，鹽在右。尸左執爵，受燔，換于鹽，坐振祭，嚌之，興，加于

羊俎，賓縮執俎以降。

燔，炙也。室中之事無燔從。故此與亞獻用之。泊邨。

吳氏曰：燔，別以俎實之，而陳于東壑。舊說以羞羊燔，亦用羊清之俎，誤。

尸降筵，北

面于西楹西，坐卒爵，執爵以興，坐奠爵，拜執爵以興，主人北面于東楹東，答拜，主人受爵，尸升

筵，立于筵末。

筵末，即席西，亦當東南面。士謙按：自主人獻尸，從獻備有五節，其

一爲豆邊矣。而正俎以羊，匕清以羊，肉清以羊，燔以羊，四者皆少牢之餘，所以尊尸也。若侑則降于尸，無羊匕清，羊肉清矣。主人受爵，從獻與尸五節同，亦尊故也。主婦從獻者，惟三。此其差也。

右主人獻尸

主人酌獻侑，侑西楹西，北面拜受爵。主人在其

右，北面答拜。

獻侑于席前西南面。不洗者，承上受尸爵，遂酌以獻侑。從尊至卑，不

必更洗也。主人就右首，侑卑不得專階。

主婦薦韭菹醢，坐奠于筵

前。醢在南方。婦贊者執二籩，麩蕡以授主婦。主

婦不興受之。奠醴于醢南。黃在醴東。主婦入于

房。

醢在南，是豆北上也。豆北上者，以席南上也。生人席豆相變之法，於此見矣。兩邊兩豆同

酌設，故不必親取邊。

侑升筵自北方。司馬橫執羊俎以升。

設于豆東。

正俎皆橫執。此乃明言之者，以司馬進之，嫌亦縮執也。侑不可並于尸，猶

主婦不可並于主人，故正俎皆司馬設之。士讓按侑筵在西序東面，而升筵自北方，與鄉飲

酒介禮同。

侑坐。左執爵，右取菹，楨于醢，祭于豆閒。又

取醴，蕢同祭于豆。祭興，左執爵，右取肺，坐祭之。

祭酒興，左執爵，次賓羞羊燔，如尸禮。

上禮尸，嗜酒。

此無滯則不宜啐。

侑降筵自北方。北面于西楹西，坐卒。

爵執爵以興，坐奠爵拜。主人答拜。

答拜于侑之右。士讓按

立侑以輔尸，非爲饋侑也。故其禮遠下尺，以特仲敬尸之意。且禮如介，又不純如介。介降席自南方，侑則降自北方也。

右主人獻侑

尸受侑爵，降洗。侑降立于西階西，東面。主人降自阼階，辭洗。尸坐奠爵于篚，興對卒洗。主人升尸，升自西階。主人拜洗。尸北面于西楹西，坐奠。

爵答拜。降盥。主人降。尸辭。主人對。卒盥。主人升。

尸升。坐取爵酌。

此尸將酢主人也。儀畧與鄉飲酒同。侑不升。辟酢禮也。

司

宮設席于東序西面。主人東楹東北面拜受爵。

尸西楹西北面答拜。

席爲主人設之。特牲及不備。尸皆致爵。乃設席。此受

爵卽設者。備尸而主人益尊也。既設席。尸乃于席前東南面酢主人。主人拜受爵。復位。主

婦薦韭菹醢。坐奠于筵前。菹在北方。婦贊者執

二邊。麴蕢。主婦不興受。設麴于菹西北。蕢在麴

西。主人升筵自北方。主婦入于房。

設籩于菹西北。亦辟錫也。

主人之席亦南上而蒞在北方。豆席相變之法愈可見矣。士讓按尸升筵在設俎後。俯不待設而升。尊卑之異也。俯升筵在主婦入後。主人不待入而升。主人禮較俯又彌質者。賓主之異也。長賓設羊俎于豆西。主人坐左執爵祭豆籩。如侑之祭。興左執爵右取肺坐祭之。祭酒興次賓羞匕涪如尸禮。席末坐啐酒執爵以興。司馬羞羊肉涪縮執俎。主人坐奠爵于左。興受肺坐絕祭。嘑之興反加于涪俎。司馬縮奠涪俎于羊俎西。乃載之。卒載縮執盧俎以降。

祭酒興亦左執爵乃受匕

涪。奠爵于左，辟肉涪俎也。言虛俎者，見盡載于

羊俎，無所釋也。望溪方氏曰：主人之俎實，一

與尸同，何也？祖考或士庶人，而得用少牢，皆由

君賜。故主人之俎，不可加損，而薦俎之人，亦不

可異同也。士讓按：先言取肺，羊正俎

之祭肺也。後言受肺，羊涪俎之齊肺也。主人坐

取爵以興，次賓羞燔，主人受如尸禮。

燔，羊燔也。主人

降筵自北方。

士讓按：升降之方，與侑俱同。北面于阼階上，坐

卒爵，執爵以興，坐奠爵拜，執爵以興，尸西楹西

答拜。主人坐奠爵于東序南。

不降奠于篚，急崇酒于尸及侑。侑

升，尸侑皆北面于西楹西。

知主人將與爲禮。主人北面

有司敬

于東楹東再拜崇酒。

崇重也。謂崇重已物，不嫌其薄而飲，故拜謝之。

尸

侑皆答再拜。主人及尸侑皆升就筵。

士讓按尸酢主人爵。

受之于侑，則侑雖不酬，亦致酢意，故主人崇酒，侑從尸亦答拜。恐煩主人更拜已也。

右主人受尸酢。

三禮館議尸酢主人，正祭惟按祭而已。其儀質而簡，故畧。

賓尸，其儀文而繁，故詳。質而簡者，神之也。文而繁者，人之也。凡賓尸之異於正祭者，皆同此義。故郊特牲鄭注云，祭禮簡而事尸禮大。

司宮取爵于篚，以授婦贊者于房東，以授主婦。

房東，房戶外之東。

士讓按男女惟喪祭可相授器，而大夫之主婦，尊也，故其爵司宮先取以

授婦贊者。因以授主婦也。然婦贊之受亦以篚。無篚則奠而後取之。文不具耳。主婦洗

于房中出。實爵。尊南西面拜獻尸。尸拜于筵上。

受。疏云賓主獻酢無筵上受法。今筵上受者以婦人所獻不行賓主之禮。故不得各就其階

也。敖氏云以其授于主人且因室中之禮也。士讓按二說相兼乃備。主婦西面

于主人之席北。拜送爵。入于房。取一羊羹。坐奠

于韭菹西。主婦贊者執豕羹以從。主婦不興。受

設于羊羹之西。興入于房。取糗與臠。修執以出。

坐設之。糗在黃西。修在白西。興立于主人席北。

西面。

主人席北。此時主婦堂上之正位也。飲酒有劍以尸尊。盛之。無黍稷殺也。殿脩。搗肉

之脯。糗與修雜用。饋食之邊也。士讓按少牢

主婦亞獻尸于主人之北。室中席北也。此所謂

席北。堂上

尸坐左執爵祭糗修同祭于豆祭。

于此

云尸坐是受爵時立也。糗修之

祭當如下文作取。蓋字誤也。以羊劍之柶扱

羊劍。遂以扱豕劍祭于豆祭酒。

羊貌

次賓羞

豕匕清如羊匕清之禮。

如其左手執俎左廉以下之儀。羞豕匕清亦用

羊匕清之俎。其匕則殊乃向之

覆于羊俎西之南俎之上者也。尸坐啐酒左執

爵嘗上劍。

羊

執爵以興坐奠爵拜。主婦答拜。執

爵以興。

此嘗釗拜也。不告旨，異于主人也。

司士羞豕脰。尸坐奠。

爵興受。如羊肉清之禮。坐取爵興。次賓羞豕燔。

尸左執爵，受燔如羊燔之禮。坐卒爵拜。主婦答

拜。受爵。

受爵亦于其席。

右主婦亞獻尸。

士讓按上章所尚在羊。以羊乃少牢正禮。大夫尚之。此主

婦所尚，多在豕。豕亞于羊，所以爲亞獻也。然兩釗親取，必以羊居先。其別有糗與修者，則

主婦所有事者也。

酌獻侑。侑拜受爵。主婦主人之北，西面答拜。獻者。

儀禮鄉解

卷十七

有司徧

石

主婦也。亦拜于筵上受。北亦席之北。

主婦羞糗修。坐奠糗于黽南。

脩在黃南。侑坐左執爵。取糗修兼祭于豆祭。

無

殺也。故亦不祭酒。

司士縮執豕脰以升。侑興取肺坐祭。

之。司士縮奠豕脰于羊俎之東。載于羊俎。卒乃

縮執俎以降。侑興。

豕脰無膾於侑禮殺肺謂切肺。

次賓羞豕燔。

侑受如尸禮。坐卒爵拜。主婦答拜受爵。

如尸禮如尸受

羊燔之禮。

右主婦獻侑

酌以致于主人。主人筵上拜受爵。主婦北面于

阼階上答拜。

筵上受，因尸禮也。拜于阼階上，辟併敬尸侑。其北面，則敝室中之儀。

不俠拜者，辟獻尸之禮。望溪方氏曰：主婦獻

尸侑，皆拜送爵于主人之席北。婦人與男子爲禮，必依其夫也。致爵于主人，而就主人之席，則以狎近爲獻。故特著阼階之位。士讓按阼階

主人位，主婦亦答拜于此者，夫婦一體也。昏禮舅姑饗婦時，婦降自阼階，蓋已授以代姑任事之義矣，則答拜于阼也固宜。主婦設二劔與糗修，如尸禮。主

人共祭糗修。祭劔，祭酒，受豕匕消，拜啐酒，皆如

尸禮。嘗劔不拜。

拜字衍。皆如尸禮，異者不告。旨設二劔，羊在菹北，豕在羊北。設

模修模在起

比。修在黃比。其受豕膋，受豕燔，亦如尸禮。坐卒

爵拜。主婦北面答拜，受爵。

士讓按特性三獻後乃致爵。此亞獻後即

致爵亦

其異也。

右主婦致爵于主人

尸降筵，受主婦爵以降。

將酢主婦也。望煗方氏曰：此主婦致主人之

爵也。而尸受之，又不用以酢主婦，何也。雖承獻

侑以致主人，而本獻尸之爵，故主人及侑雖與

尸同降，而不敢受爵。尸獨受之以終前禮。主人

而後易爵以彰其別，所以別嫌而明微也。主人

降，侑降，主婦入于房。侑主人降，從尸也。主婦入于房，尸降爲已，宜辟之也。

士讓按尸之降，爲洗爵以酢主婦也。主婦若辭洗，則宜降階。婦人祭事止于堂階，故入于房。

以辟

主人立于洗東北西面，侑東面于西階西

之。南。俟尸

尸易爵于篚。

男女不相襲爵。

盥洗爵，主人揖尸

侑。

將升。望溪方氏曰：主人從降，代主婦以禮于尸也。辭洗禮宜親之。主人不得代辭，故待

洗畢，揖尸

俛以升。主人升尸，升自西階，侑從。主人北面

立于東楹，東侑西楹，西北面立。

俟尸酌。

尸酌，主婦

出于房，西面拜受爵。尸北面于侑東，答拜。主婦

入于房。

西面，亦于主人之席北。尸亦就此位，酢之。望溪方氏曰：會尸之酌，則自出。男

女相爲禮，不親相與言，亦不用使人致辭，按節以赴而已。卽不辭洗而入于房，以辟之義也。

士讓按主婦出者，會尸之酌而出爲節也。主婦入者，席在房中，宜成禮於內也。司宮設

席于房中，南面，主婦立于席西。

設席者，主婦尊，立于席西者，西

爲末。婦贊者薦韭菹，醢坐奠于筵前，菹在西方，婦

人贊者執麴黃以授婦贊者，婦贊者不興受，設

麴于菹西，黃在麴南。

婦人贊者，宗婦之少者。

主婦升筵，司

馬設羊俎于豆南，主婦坐，左執爵，右取菹，揆于

醢，祭于豆閒，又取麴黃兼祭于豆，祭，主婦奠爵。

與取肺，坐絕祭，嚼之。興加于俎，坐挽手祭酒啐。

酒。挽手于佩巾內則，婦人左佩粉帨。

次賓羞羊燔，主婦興受燔。

如主人之禮。主婦執爵以出于房，西面于主人

席北立卒爵，執爵拜。

出房立卒爵，宜鄉尊者，不坐，變於主人。執爵拜變於

男子也。

尸西楹西北面答拜。主婦入立于房，尸主

人及侑皆就筵。

以上亞獻之酢畢。

右尸酢主婦。

賈氏公彥曰：主婦受從，與侑同三。主人受從，與尸同五。尊卑之

差也。三禮館講：特牲主人主婦交致爵，皆酢。賓又致爵于主人主婦，皆自酢。此直有主

婦致爵于主人，又不酢，何也？凡獻酢之節，有主有從。主獻者酢，而從獻者不酢。此主婦獻尸，而因以致爵于主人，則主人固在從獻之列，無由而酢主婦矣。特牲主人主婦交致交酢，在三獻爵止之後，自相酬答。此在主婦獻尸爵內，以主婦爲之始終，則主人更不得而致爵于主婦矣。主人既不致爵于主婦，則賓亦不得而致爵于主婦矣。故主婦惟受尸酢，而其餘則否。

上賓洗爵以升，酌獻尸。尸拜受爵。賓西楹西北

面拜送爵。尸奠爵于薦左。賓降。謂之長賓。奠爵

謂之長賓。奠爵止。特牲禮，尸在室內，始行三獻，未行致爵，尸奠爵，欲神惠均于室。此少牢賓尸禮，室內已行

三獻。至此主婦又已致爵于主人訖。賓尸又在堂。故爵止者。欲得神之惠均于庭。俟遍獻乃舉。與特牲正祭異也。不奠于右。敖氏謂恐妨往來及行禮也。理或然。

右三獻尸奠爵

主人降洗解尸。侑降。主人奠爵于篚。辭尸對。卒

洗。揖尸升。侑不升。侑不升。尸禮益緩。故不從。又以酬禮不及已。升嫌也。特牲

尸無酬。此酬者。尸爲賓故也。主人實解酬尸。東楹東北面坐

奠爵拜。尸西楹西北面答拜。坐祭。遂飲。卒爵拜。

尸答拜。降洗。尸降辭。主人奠爵于篚。對。卒洗。主



人升。尸升。主人實解。尸拜受爵。主人反位答拜。

尸北面坐奠爵于薦左。尸侑主人皆升筵。侑升堂之

節其在尸奠爵之時乎。此尸所奠之解及下經侑所奠之解皆不舉。士讓按上尸奠賓所獻爵于薦左。此又奠主人所酬者于薦左。則此當在少南而先奠者在北。經例凡酬爵皆酬者自奠于薦右。受酬者重奠于薦左。而無授受之節。此經言受爵大夫禮異也。

右主人酬尸。主人于尸止爵後即舉爵酬尸者宜終尸禮乃可以獻助祭者

也。

乃羞。宰夫羞房中之羞于尸侑主人主婦皆右。

之。司士羞庶羞于尸，侑主人主婦，皆左之。

二羞所以

盡歡心也。房中之羞，內羞也。其邊則稷餌粉養。其豆則醢食糝食也。庶羞，則醢醢也。內羞在右，穀物屬陰，庶羞在左，牲物屬陽也。教氏繼公曰：房中之羞，饌于房者也。言房中之羞，明庶羞不自房來也。

右羞

泊邨吳氏曰：上篇載醢在左，故此庶羞亦在豆左，此經上文糗修在右，故此內

羞亦在邊右。

主人降，南面拜衆賓于門東，三拜。衆賓門東北

面皆答壹拜。

拜于門東，明少南就之也。三拜，旅之也。泊邨吳氏曰：三拜衆賓，衆

賓皆答壹拜。鄉飲酒，鄉射，特性禮皆然。不專以大夫尊而衆賓賤也。衆賓亦不必皆臣，士與公有司亦當有焉。位則俱在門東，以西方爲尸侑之位，故助祭者初皆位于東。蓋尸侑受賓禮者也。主人以下至助祭諸人，則皆賓之者也。三禮館議自此至主人就筵，皆主人酌獻庭中房中之事。所謂均神惠也。凡七節。主人洗爵，長賓辭。主人奠爵于

篚，興對卒洗，升酌獻賓于西階上。長賓升拜受

爵。主人在其右，北面答拜。宰夫自東房薦脯醢，

醢在西。司士設俎于豆北。羊髀一，腸一，胃一切

肺一，膚一。

長賓辭亦北面。蓋於門東少進也。主人已酌，長賓乃升，遠下尸也。羊髀左。

幣。上賓一體。又無脊者。遠別于堂上者也。肺繼胃言之。羊肺可知。薦與設俎者。既則俟于西序端。

賓坐左執爵。右取脯。換于醢。祭之。執爵興。取肺坐祭之。祭酒。遂飲卒爵。執以興。坐奠爵拜。執

爵以興。主人答拜。受爵。賓坐取祭以降。西面坐

委于西階西南。

成祭于上。尊賓也。取祭以降。以已所有事也。宜親執之。西階西

南。賓之正位。已獻乃立此。尊之禮。節彌文也。取祭降委此。祭兼脯肺。宰夫執薦以

從。設于祭東。司士執俎以從。設于薦東。

從之降設。設薦

祭東。則是凡祭于豆閒。乃當其閒之前耳。此獻長賓而宰夫司士薦。則自此以下。皆私人爲之。

明矣

右主人獻長賓

衆賓長升，拜受爵。主人答拜。坐祭，立飲卒爵。不

拜既爵。

衆賓長升，以次升受獻也。

宰夫贊主人酌，若是以辯。

主人立于西階上，宰夫既酌于尊，乃就而授之。若是以辯，謂皆如衆賓長升拜受爵以下之儀。

必宰夫贊主人酌，大夫尊也。

辯受爵，其薦脯醢與齊，設于其

位。其位繼上賓而南，皆東面。其齊體儀也。

下經言獻

兄弟之儀，云升受爵，其薦齊設于其位。然則此薦齊亦于每獻設之也。亦宰夫薦司士齊儀者。

尊體盡儀度餘骨可用而用之。亦有切肺膚。

泊邨吳氏曰：衆賓所以收位于西，相繼而南者，

與兄弟各為班，

乃可放酬也。

乃升長賓。主人酌，酢于長賓。西

階上北面，賓在左。

升長賓者其宗人與。泊邨吳氏曰：特牲與此篇，主人於

賓皆自酢。然則注謂賓與非也。特牲承室事，故

獻賓長，即自酢，乃獻衆賓。此皆室事，故獻辯乃

酢。與主人獻尸，侑而

後尸，酢主人一也。主人坐奠爵拜，執爵以興。

賓答拜。坐祭，遂飲卒爵。執爵以興，坐奠爵拜。賓

答拜。賓降。

賓降反位，則主人亦就席。望溪方氏曰：凡自酢，義非一端。有尊其人，不

敢使酢已者，主婦致爵于主人而自酢是也。有

如其禮以答之，而不宜有異同者，主人致爵于

主婦是也。有與衆人同得獻，一人不敢專酢獻者，探其意而自酢，特牲賓獻，祝佐食，致爵于主人，主婦而自酢，比經主人獻衆賓，升長賓而自酢，是也。

右辯獻衆賓主人自酢

宰夫洗解以升。主人受酌，降酬長賓于西階南北面。賓在左，主人坐奠爵拜，賓答拜，坐祭，遂飲。

卒爵拜，賓答拜。

宰夫授主人解，則受其虛爵奠于篚。望溪方氏曰：特牲尊兩

壺于阼階東，少牢則皆升酌，何也。士禮質，故設尊于階下以取便。大夫禮文，故升酌于堂上以爲榮。且天子之禮，獻尊外，別有彘爲諸臣之所酢，諸侯亦宜然。故大夫不敢與之同。士則無嫌。

主人洗賓辭。主人坐奠爵于篚對。卒洗升酌降。復位賓拜受爵。主人拜送爵。賓西面坐奠爵于薦左。位西階南之位。奠薦左後舉之爲無算爵。亦不奠薦右則敖氏恐妨往來之說其信。

右主人酬賓賓奠

主人洗升酌獻兄弟于阼階上。兄弟之長升拜受爵。主人在其右答拜。坐祭立飲。不拜既爵。皆若是以辯。長幼立飲不殊者大夫貴而兄弟賤。不別之也。必親酌不使贊酌者兄弟以親昵來不以官待之。士讓按助祭之兄弟雖不皆有爵未必盡卑於衆賓所以獻後於賓

者。主人之義應爾也。故氏謂獻兄弟及內賓。主人惟於其長者親酌。辯受爵。其位

在洗東西面北上。升受爵。其薦爵設于其位。

薦者

皆使私人。泊邾吳氏曰。兄弟位本應繼主人而南。與特牲同。以賓位在門東北。故不可直繼主人。而退于洗東。所以讓賓也。其先生之爵。折脅一膚。一其衆儀也。先生。長兄弟也。折。豕左肩之折。其衆則儀亦以此別長幼也。

右主人獻兄弟

主人洗。獻內賓于房中。南面拜受爵。主人南面

于其右答拜。

內賓。姑姊妹及宗婦也。獻于主婦之席東。主人不西面。尊不與爲賓。

主之禮。南面于其右。主人之位恆右。敖氏繼公曰。獻之。蓋東北面。受送之拜皆南面。猶堂上之皆北面也。坐祭立飲。不拜既爵。若是以辯。亦有薦香。設于其位。

右主人獻內賓

主人降洗。升獻私人于阼階上。拜于下。升受。主人答其長拜。乃降。坐祭立飲。不拜既爵。若是以辯。宰夫贊主人酌。主人於其羣。私人不答拜。其位繼兄弟之南。亦北上。亦有薦香。主人就筵。私人。

宋臣已所自謁除者。獻亦西南面于東楹東而拜於其右。私人賤故但答其長拜以殊之。以是推之。自私人而外。無有不答拜者矣。位言繼者以爵既獻而後位定。未獻時位在衆賓後。望溪方氏曰。此所謂治家者不敢忽于臣妾也。故平時能得人之歡心。以事其親。而臨難則死其長。先王以祀禮教敬。則民不苟。當于此類求之。

右主人獻私人

士讓按凡與於禮者皆為禮所及。飲射禮及工與筮射禮

及獲者釋獲者。燕禮大射及左右正內小臣等無或遺也。況祭尤為恩意流通。豈以貴賤而隔之。

尸作三獻之爵

此卽上賓三獻尸。尸奠未舉者。特性止爵。乃三獻作之。此尸自

作之何也。饋尸而尸以賓道自處也。不饋尸禮亦然。司士羞清魚。縮執俎

以升。尸取膾祭。祭之。祭酒卒爵。云清魚者魚在清中。及其羞之

也。用魚而不用匕。清畧小味也。司士縮奠俎于羊俎南。橫載于

羊俎。卒乃縮執俎以降。尸奠爵拜。三獻北面答

拜受爵。橫載者與牲禮同也。正俎之實已多。又加以益送之俎。故載魚于此。不得象其

在魚俎也。士讓按此終上文尸奠未舉一節禮。敖氏云。尸既卒爵。乃執虛爵。以待執俎者降。

而後奠爵拜。

右尸作止爵

酌獻侑。侑拜受。三獻北面答拜。司馬羞滂魚一。

如尸禮。卒爵拜。三獻答拜受爵。

司馬當作司士，字之誤也。

酌

致主人。主人拜受爵。三獻東楹東北面答拜。司

士羞一滂魚。如尸禮。卒爵拜。三獻答拜受爵。

賓拜

於東楹東，以與主人爲禮，就近其席，不敢獨拜於西階上。碑尸也。不致爵于主婦，亦變于不饋尸禮。士讓按饋尸三鼎。羊爲上鼎，故主人初獻時羞之，而未及豕也。豕爲中鼎，故主婦亞獻時羞之，而未及魚也。魚爲下鼎，故賓三獻之節，方及魚，是其差也。

右 上賓獻侑致爵主人

尸降筵受三獻爵酌以酢之。

尸代酌以酢賓也。望溪方氏曰：特

牲賓獻祝佐食致爵于主人主婦自酢。此尸酢之何也。特牲尸已酢賓故祝佐食主人主婦不敢專酢而賓因自酢以達其意。此則尸卒爵後尙未酢賓故俟賓獻侑致爵于主人而後酢焉。祝佐食義不得相統。尸酢則義足以統主人與侑矣。蓋正祭尸已酢賓儻尸再酢所以禮于賓者備矣。故可退卒爵後之酢于後以統侑與主人也。士讓按尸見賓既致爵主人而受其虛爵矣。故會賓之意酢之以答賓獻也。其前此作三獻爵既卒爵不卽酢之者以賓方獻侑及致爵主人嫌

開之也。三獻西楹西北面拜受爵尸在其右

以授之尸升筵南面答拜坐祭遂飲卒爵拜尸

答拜。執爵以降實于篚。

尸在其右，並授也。同授而不同面拜，遠辟主人

獻賓之

禮也。

右尸酢上賓

二人洗觶，升實爵，西楹西北面東上，坐奠爵拜。執爵以興，尸侑答拜。坐祭，遂飲卒爵，執爵以興。

坐奠爵拜。尸侑答拜。皆降。

三獻而禮小成矣。復使二人舉觶為加爵。

以序慤勤於尸及侑也。然鄉飲酒，鄉射，特牲等皆一人舉觶為旅酬始，二人舉觶為無算爵始。今儻尸以二人為旅酬始，何也。一以為尸，一以為侑也。

洗，升酌，反位。尸侑。

皆拜受爵。舉觶者皆拜送。侑奠觶于右。

反位于西楹西

俟拜也。奠右亦由便耳。右，棟南。

士讓按主人

雖併敬侑而侑不敢並于尸故不舉。緣是只用

尸一爵

酬于下。

右二人舉觶

泊邨吳氏曰二人蓋皆賓之弟子以舉觶于尸侑故不用兄弟

之弟子而堂上位在西楹西也。尸侑皆降因主人酬尸之禮但不辭洗耳於賤者舉觶亦不安于上位敬也。

尸遂執解以興北面于阼階上酬主人。主人在

右。尸未嘗就阼階此因行酬而禮殺。

坐奠爵拜。主人答拜。不祭。

立飲卒爵。不拜既爵。酌就于阼階上酬主人。主

人拜受爵。尸拜送。尸就筵。

言酌就者，主人立待之。以上尸行旅酬爵。

及主人。

主人以酬侑于西楹西。侑在左坐奠爵拜。

執爵興。侑答拜。不祭立飲卒爵。不拜既爵。

此主人飲。

以導侑。

酌復位。侑拜受。主人拜送。主人復筵。

云酌復位。

明授于西楹西。以上主人酬侑之禮。明。

乃升長賓。侑酬之。如主人

之禮。至于衆賓。遂及兄弟。亦如之。皆飲于上。

西階。

之。遂及私人。拜受者升受。下飲。

私人之長拜于下。升受兄弟之。

爵下。卒爵升酌以之其位相酬。辯卒飲者實爵

于篚。

其位兄弟南位。亦拜受拜送。升酌由西階。卒飲者後無人可旅。故自飲。遂實爵不用。

右旅酬。

士讓按衆賓兄弟飲于上。私人飲于下。酬必逮者。惠均也。位上下者。牙殊

也。

乃羞庶羞于賓兄弟內賓及私人。

無房中之羞。禮殺也。此羞

同時羞。則兄弟酌以相酬之時。房中亦旅。士讓按內賓宗婦。必以主婦分主之。故獻內賓宗婦之饑。雖統自主人。而旅酬于房中。士以主婦亦相助之義也。

右羞

兄弟之後生者舉觶於其長。

後生、年少者。

洗升酌降。

北面立于阼階南。長在左。坐奠爵拜。執爵以興。

長答拜。

後生舉觶與主人酬賓之儀畧同。似有爲主人酬長兄弟之意。故位如主人。而

長在左。

坐祭。遂飲卒爵。執爵以興。坐奠爵拜。執爵

以興。長答拜。洗升酌降。長拜受于其位。舉爵者

東面答拜。爵止。

拜受答拜。不比面者。禮殺。爵止者。止亦奠也。上文主人酬賓奠

于薦左。此舉爵者止而未行。一劍也。及後行之。却相待同時爲無算爵。

右兄弟舉觶于長兄弟。

賓長獻于尸如初。無滫。爵不止。

賓長次上賓者如初者如其獻

侑酌致主人受尸酢也。特牲長兄弟于三獻之後。洗觶爲加爵。此飾與之同。器宜同也。上篇賓獻于篚。其爲此用與不言者。文省耳。不使兄弟不稱加爵。禮異也。清。清魚。爵不止者。尸卽飲之也。賓一人舉爵于尸如初。亦遂之于下。一人又

者舉爵卽舉解也。如初如二人舉解于尸侑之儀。爲旅酬始也。其異者不及侑耳。亦者亦上文尸酬主人以下之禮。

右賓長加獻次賓舉爵于尸旅酬

賓及兄弟交錯其酬。皆遂及私人。爵無算。

長賓取主

人所酬賓奠薦左之解。以酬兄弟之黨。而長兄弟取後生者所酌之解。止而未行。以酬賓之黨。惟已所欲。無有次第之數也。敖氏繼公曰。堂上不行。無算爵者。此雖變于祭禮。然尸猶有餘尊。不宜無所別異。無算爵之儀。太簡不崇。故泊邨吳氏曰。尸既與于堂上之旅酬。而賓長復加獻。賓一人又舉爵于尸者。以尸不得與于堂下之無算爵。故先為尸致其慇懃也。旅酬時。堂上之堂下。不交不錯。是為正酬。乃直行。至爵行無算。乃有交酬。有錯酬。交酬者。長賓與長兄弟。次賓與次兄弟。衆賓與衆兄弟。東西往來。所謂交也。至錯酬。則隨其量之能勝。與情之風洽。而相酬。如注所云。殆于不醉無歸矣。故云交錯。

右堂下無算爵

尸出，侑從。主人送于廟門之外，拜。尸不顧，拜侑。

與長賓亦如之。衆賓從。

送尸于廟門外，賓之也。從者，不拜送也。

司

士歸尸侑之俎。主人退，有司徹。

尊尸併及侑，故皆歸其俎於家。

主人退，反於寢也。賓長而下，則自徹而投其人。以歸。有司徹者，徹堂上下之薦俎也。賓尸雖堂上，婦人不徹，故使有司。士讓按上文設尸羊俎者，賓長也。執羊滂俎者，次賓也。蓋羊肉滂俎者，司馬也。蓋羊燔者，次賓也。設侑羊俎者，司馬也。蓋羊燔者，次賓也。而歸尸侑之俎，獨使司士者，司馬尊于司士，卑者宜終之也。是時長賓與衆賓皆出矣。司士佐主人卒其事故，獨使司士也。云有司徹，凡主黨之俎亦皆徹矣。又几堂上下几筵器物，亦皆徹矣。

右禮終有司徹

若不賓尸。

自此至終篇皆言不賓尸之事。從尸飲七以前皆與賓尸者同。已後則以此祝侑終之也。敖氏繼公曰此下之禮視賓

尸者爲少質。則是制禮之序。此先彼後。如冠禮之醮與醴者然也。而上下篇以賓尸者爲主。至

是乃更端言不賓尸者。周禮尙文。抑又可見。

洎邛吳氏曰。正祭在室。主於嚴敬。賓尸在堂。則

有懽欣之情。若不賓尸。則尸未出室。猶全乎神。

仍下室中行事。而凡禮儀卒度。於懽欣之中。多

嚴敬之意。大抵與特牲後半相類。而無嗣舉奠

以辟國君故耳。蔡氏宸錫曰。不賓尸。注屬之

下大夫。似泥。同一大夫也。舉盛祭則有賓尸。猶

殺則不賓尸。誰曰不可。禴祠烝嘗。四時之祭。殊

名。則典禮不必盡同。亦可見矣。士讓按經通

例凡禮有異同者皆附于篇後。讀者惟於少牢篇尸飲七以上見其同。而此祝侑尸八飯以下求其同異。庶有以得之。

右不賓尸

則祝侑亦如之。

謂尸七飯時祝西面于主人之南。獨侑不拜。侑曰皇尸未實。侑

是也。

尸食。

八飯時也。自此以下與饋尸有異同。

乃盛俎。臠臂。臠脰。脊。

橫脊。短脅。代脅。皆牢。

盛者盛於所俎。為敬尸也。凡七體皆兼羊豕者。故云

牢。其脊脅但取一骨而無正脊。正脅。酪

魚七。

者以前已舉之。惟肩尚未舉。見下文。有五而俎者。前已舉其一矣。今盛其半數而已。

蔡氏宸錫曰。魚盛七者。為俎釋三個。俎實必

儀禮紉解

卷十七

有司徹

重

奇數。故盛其半而止也。**腊辭無髀。**亦盛半也。所盛皆在體。脊屬焉。言無髀者。腊一

純而俎。**卒盛乃舉牢肩。**舉七也。肩體之紳而前。首至此始舉之。貴終也。

士讓。按據承少牢篇來。前此所舉牢肺正脊。牢幹魚腊肩牢髀。至此舉牢肩。合爲七舉也。或

數爲五體者。除魚腊言也。或數爲四體者。別肺爲內體言也。四體中。脊幹髀肩爲序。特性注所

謂自上而却。下紳而前也。**尸受振祭。嚌之。佐食。受加于所。佐**

食取一俎于堂下以入。奠于羊俎東。魚俎東也。教氏云。羊

當作魚。**乃撫于魚腊俎。俎釋三个。**撫取之也。个猶枚也。釋遣

字之胡。之也。魚七。撫四而釋三。腊八。撫五而釋三。蓋短脅正脅代脅也。所釋魚腊爲改饌西北隅用之。

其餘皆取之，實于一俎以出。

出于室也。

祝主人之魚。

腊取于是。

取于是者，主人主婦之魚腊，及祝之魚也。不言主婦者，或文脫耳。

泊卯。

吳氏曰：少牢正祭，主人主婦不設俎。至賓尸，減五鼎爲三鼎，則腊不用，而以魚爲益送之俎。賓尸無祝而有侑，侑主人主婦皆有魚俎爲之益送焉。此不賓尸，則無益送之魚，故於此卽分尸俎之魚，以入于主人主婦之俎。所以見雖不賓尸，而此禮實自賓尸而殺也。旣取魚，亦兼取腊。主人主婦旣有魚腊，則祝俎雖已有腊，亦當益之以魚，以其與賓尸之侑差類也。此視賓尸之禮爲殺，而比特牲則隆矣。知祝之腊不取，于是者，祝俎腊兩脾屬于尻，已見于經矣。尸不飯，告飽，主人拜侑，不言尸又三飯。

大夫禮至此凡十一飯也。

泊卿吳氏曰：大夫十一飯，不分命數。則賓尸不賓尸，不分上下，大夫可知。佐食受牢舉如儻。謂肺脊也。士讓按少牢舉肺脊加肫時，乃室中行事，去儻尸時尚早。經乃云如儻者，謂如其有儻尸之禮耳。後凡言如儻者，放此。

右尸食

主人洗酌醕尸。賓羞肝。皆如儻禮。卒爵，主人拜。祝受尸爵，尸答拜。祝酌授尸，尸以醕主人，亦如儻。其綏祭，其嘏亦如儻。肝，牢肝也。其獻祝與二佐食，其位，其薦胥，皆如儻。祝之薦胥如儻，則牢與腊皆髣髴明矣。祝於儻亦有肝。

從不言者，與佐食連文，故畧之耳。

右主人酌尸，尸酢主人，獻祝佐食。

主婦其洗獻于尸，亦如儗。

謂拜送爵以上之禮。

主婦反取

籩于房中，執棗糗坐設之，棗在稷南，糗在棗南。

婦贊者執栗脯，主婦不興受設之，栗在糗東，脯

在棗東，主婦興反位。

棗饋食之籩，糗蓋籩之實，雜用之下，賓尸也。栗脯加

籩之實也。籩位自左而右，精之變於敦位。反位

反主人之比，拜送爵位。士讓按主人無籩從

殺於賓尸之初獻，主婦用四籩，隆於

賓尸之亞獻，有所屈有所伸之義也。尸左執爵

義，豐則辟，一七有司敬

取棗糗。祝取栗脯以授尸。尸兼祭于豆祭。祭酒。

啐酒。次賓羞牢燔用俎。鹽在右。尸兼取燔捩于

鹽。振祭。嚼之。祝受。加于所。卒爵。主婦拜。祝受。尸

爵。尸答拜。自主婦及取筵至祝受。加于所與上賓尸儀異。祝易爵洗。酌

授尸。尸以醋主婦。主婦主人之北拜。受爵。尸答

拜。主婦反位。又拜。上佐食。綏祭。如饋。卒爵。拜。尸

答拜。敖氏繼公曰。主婦夾爵拜。為不賓尸。行內。子正禮也。饋則畧之。望溪方氏曰。敖氏

之言是矣。而未盡也。蓋饋禮。主婦拜受爵。以入于房。於尸前重拜。則義無所處。於房中又拜。則

似與薦豆設俎者爲禮。故直至出房卒爵而後拜。不償尸則進受爵與反位皆在尸前。故義當夾拜。而別爲卒爵之拜耳。泊卿吳氏曰少半正祭于室與賓尸于堂主婦獻尸皆夾爵拜。可見其爲正禮也。其受尸酢則否。以有兩番獻。故干酢畧之。此不賓尸受酢與獻尸同。亦仍是兩番夾爵拜耳。

右主婦獻尸尸酢

主婦獻祝其酌如饋拜坐受爵。主婦主人之北答拜。自尸卒爵至此與正祭亞獻祝同。宰夫薦棗糗坐設棗于

菹西。糗在棗南。祝左執爵取棗糗祭于豆祭祭

酒啐酒。次賓羞燔如尸禮卒爵。

丙子不薦。遂祝。賤使官可也。自

宰夫薦至此。亦異于饋。

主婦受爵酌獻二佐食亦如饋主

婦受爵以入于房。

亦不拜既爵。

故氏饋公曰。自此以上如饋者皆在少牢

前篇。

右主婦獻祝及佐食

賓長洗爵獻于尸。尸拜受。賓戶西北面答拜。得

止。尸止爵者以三獻禮成。欲神惠均于室中。是以奠而待之。故氏饋公曰。此三獻爵止之

義與特

牲禮同。

右賓長獻尸爵止

主婦洗于房中酌致于主人主人拜受主婦戶

西北面拜送爵司宮設席

設席于主人立處之南拜受乃設席異于

士

士讓按特牲主人席于戶內不著所設席

之人饋尸主人筵上拜受爵其筵之設在受尸
醑時司宮設之此云主婦戶西
拜送爵司宮設席則亦其異者主婦薦韭菹醢

坐設于席前菹在北方婦贊者執棗糗以從主

婦不興受設棗于菹北糗在棗西佐食設俎臂

脊脅肺皆半膚三魚一腊臂

右臂尸用之此左臂也皆半合羊豕

也。凡六體與腊臂而七矣。肺、離肺、魚一、亦橫之。
敖氏繼公曰：脊脅各一骨，脊脅之數皆少者，
以俎實多故耳。亦遠下尸也。既設俎，主人乃升
筵坐。與主婦升筵之節同。士讓按上文云主
人之魚腊取于是。此魚一腊臂。
卽上佐食所搯者。設之，亦佐食。主人左執爵，右

取菹，捝于醢，祭于豆閒。遂祭，遵奠爵，興取牢肺，

坐絕祭，嚌之，興加于俎。坐，捝手，祭酒，執爵以興。

坐卒爵拜。此遵祭不贊，且無從與士禮異。主婦答拜，受爵酌以

醋。戶內北面拜。自醋不更爵，殺。主人答拜，卒爵拜。主人

答拜。主婦以爵入于房。自主人酌戶以後，其節大率與特性同。惟主人

不致爵主婦爲異耳。士讓按特牲，夫婦交致而
又自酢。此惟主婦致而自酢者，主人尊則主
婦稍降也。累而上之，至于天子諸侯，則夫婦之
閒愈尊嚴矣。至若特牲主婦之俎，與少年不賓
尸主婦之俎，所下于主人者，惟俎實不同而已。
賓尸，主人益送之俎，與尸同。而主婦止羞羊爓
者，婦人之禮于堂事，殺也。

右主婦致爵于主人自酢

尸作止爵祭酒卒爵賓拜祝受爵尸答拜。

賓尸作止

爵在獻私人後欲神惠之均于庭。此作止爵在主婦致爵後欲神惠之均于室。祝酌授尸賓拜受爵尸拜送坐祭遂飲卒爵拜尸答拜。

此賓卒尸所酢。

右尸作止爵酢賓

獻祝及二佐食。

賓獻祝，北面拜。獻佐食，西面拜。少牢賓，長獻不及佐食，將賓尸。

禮殺也。此不賓尸，故異。

右賓長獻祝佐食

洗致爵于主人。主人席上拜受爵。賓北面答拜。

坐祭，遂飲卒爵，拜。賓答拜受爵。

賓洗者，以承佐食，賤新之。主人

拜于席，亦立受爵。

酌，致爵于主婦。主婦北堂。司宮設席。

東面。

東面者，異于士妻。

主婦，席北東面拜受爵，賓西面

答拜。

東面立于席北者，比爲下。讓按主人主婦皆有設席文。

士

婦贊者薦

韭菹醢。菹在南方。婦人贊者執棗糗授婦贊者。

婦贊者不興受，設棗于菹南，糗在棗東。

婦人贊者，宗婦

之弟

婦也。佐食設俎于豆東，羊臠，豕折，羊脊脅，祭肺

一膚，一魚，一腊臠。

豕折，豕折骨也。不言所折，畧之。豕無脊脅，下主人也。羊豕

四體與腊臠而五，亦得奇數。敖氏繼公曰：下文取肺絕祭臠之，是豕肺，非祭肺也。祭字誤衍。

士讓按上文祝主人之魚腊取于是，脫主婦字。今此文所云魚一腊臠，是主婦俎亦取于所

儀禮訓解

卷十七

有司徹

七

撫者無

疑矣。

主婦升筵坐。左執爵，右取菹，扱于醢，祭

之。祭邊，奠爵，興取肺，坐絕祭，嚼之，興加于俎。坐

祝手祭酒，執爵興，筵北東面立，卒爵，拜，賓答拜。

立飲拜既

變于丈夫。賓受爵，易爵于篚，洗酌，醋于主人，尸

西北面拜，主人答拜。卒爵，拜，主人答拜。賓以爵

降，奠于篚。

易爵于篚，下篚也。

泊邨吳氏曰：賓

尸，主人獻尸，併獻侑，而酢者惟尸。主

人獻賓，併獻衆賓，而酢者惟賓長。蓋酢者，其主

于獻之者也。不酢者，以次而連獻之者也。賓致

爵于主人，主婦，主人酢，而主婦不酢。又俟

其併致于主婦，而後主人酢之。正此例也。

右賓長致于主人主婦

乃羞。宰夫羞房中之羞。司士羞庶羞于尸祝主

人主婦。內羞在右。庶羞在左。不饋尸則祝猶脩耳。士讓按羞之

各于其筵。尸祝主人之筵在室中。主婦之筵在房中比堂。饋尸禮羞。脩不饋尸羞于祝。故注云祝猶脩耳。自三獻爵止至此。儀節當與特牲參看。自主人降拜衆賓至無算爵。儀節當與饋尸參看。自利洗爵至禮畢。儀節仍當與特牲參看。立文雖簡。隆殺多寡之分備矣。

右羞

主人降拜衆賓。洗獻衆賓。其薦胥。其位其酬酢。

皆如饋禮。主人洗，獻兄弟與內賓與私人，皆如饋禮。其位，其薦，香皆如饋禮。卒，乃羞于賓兄弟。
內賓及私人，辯。乃羞者，庶羞也。獻畢，卽羞之，亦曰，饋尸旅酬者，再故俟尸與侑舉旅之後，此無尸侑舉旅之節，則獻畢卽羞可矣。士讓按此節文簡而禮括，其儀見上故也。然於此更見由尊而卑，由外而內之義。其先衆賓後兄弟者，祭樂得賓助，故疎先於親耳。內賓，姑姊妹兼宗婦言。姑姊妹，外成者。宗婦，外娶者。故以賓概之。或自內而外，或自外而內，故曰內。

右主人辯獻

賓長獻于尸。尸酌。獻祝致酢。賓以爵降。實于缶。致。致于主人主婦也。不言如初者。爵不止。又不及佐食也。上賓長已獻尸訖。此是次賓長爲加爵。士讓按次賓長雖非尊。旣同助祭。亦欲一伸其敬。故于禮將終行之。獻加獻也。言致復言酢者。酢于主人也。此一節內。凡有六爵。

右次賓獻致

賓兄弟交錯其酬。無算爵。

此兄弟舉解于其長亦當如儻禮。望溪

方氏曰。疏云不賓尸。闕旅酬。獨行無算爵。非也。經明云賓兄弟交錯其酬。又曰無算爵。辭簡而意顯矣。况無算爵。因旅酬而徧推之。蓋由獻而有酢。由獻酢而有酬。由酬而有旅。由旅之爵有

算。以至于爵之無算。若不行旅酬。無由驟行。無算爵也。文從畧者。以已見於特牲少牢也。

右旅酬無算爵

利洗爵獻于尸。尸酌獻祝。祝受祭酒。啐酒奠之。利獻不及主人。此亦異於饋奠之。亦北面奠于筵前也。祭事將畢。其禮漸殺。故祝亦奠而不舉。是亦異于士。

右利獻

主人出立于阼階上西面。祝出立于西階上東面。祝告于主人曰利成。祝入。主人降立于阼階

東西面尸謬祝前尸從遂出于廟門祝反復位
于室中祝命佐食徹尸俎佐食乃出尸俎于廟
門外有司受歸之徹昨薦俎自主人出至此與
饋禮異同者也先
蕞徹主人薦
俎者變于土。

右尸出

乃蕞如饋。如上篇自司宮設對
席至上餼與出之儀。

右蕞

卒蕞有司官徹饋饌于室中西北隅南面如饋

之設。右几，匪用席。

官徹饋者，司馬司士舉俎，宰夫取敦與豆也。改饌于西北。

隅，不令婦人變于

始也。尚使官也。

納一尊于室中。

殺禮，無玄酒。

司宮

掃祭。

掃，豆閒之祭。舊說云埋之西階東。

右改設。

改設，義見特牲。士常祭之外，有殤與無後之祭。喪服

泊邛吳氏曰：大夫

小記云：殤與無後者，從祖耐食。若不祭，曾祖則諸父之無後者，於何耐之。此可見七雖一廟，或二廟，而所祭不止祖禰。大夫三廟，而所祭必及高曾也。鄭注云：共其牲物，而宗子主其禮。然則殤與無後之祭，其別日歟。曾子問：謂宗子殤，其古祭，特牲，不舉肺，無所俎，無玄酒，不告利成，是謂陰厭。注云：是宗子殤祭之於奧之禮。脫於祭祖禰時耐之，則奧既為祖

禘之所棲不得又爲殤之所棲。且同有牲俎難於陳設也。若謂祭畢更行厭祭則自質明以至晏朝亦云勞矣。尚堪再舉乎。以此推之則宜於祭後之次日舉殤無後之祭。而所謂耐者第於昭穆相當之廟祭之。卽謂之耐。非必同時也。曾子問又云凡殤與無後者祭於宗子之家當室之白。尊於東房。是謂陽厭。意其殤與凡殤並有者並祭之。一設於奧爲陰一設於屋漏爲陽。如食間之頃乃徹之歟。若攝主不厭祭則無此矣。無立酒者爲陰厭。又見特牲少牢之初有立酒者之非陰厭也。尊於東房者爲陽厭。又見特牲與不賓尸之未納一尊于室中者之非陽厭也。

主人出立于阼階上西面。祝執其俎以出立于

西階上東面。司宮闔牖戶。

閉牖與戶。或者鬼神尙幽聞。

祝告

利成。乃執俎以出于廟門外。有司受歸之。衆賓

出。主人拜送于廟門外。乃反。

祝又告利成。義見特牲。拜送賓者亦

拜送其長。反。祝徹。

婦人乃徹。

徹祝之薦及房中薦俎。不使有司者。與饋尸之禮相

變。徹室中之饌。

室中之饌。卽設者也。婦人徹此饌者。爲其當以入于房與。

右禮畢

蔡氏宸錫曰。不賓尸之禮。亦分三節。主人獻尸。尸酢主人。主人獻祝。獻佐

食。此一節也。主婦獻尸。尸酢主婦。主婦獻祝。獻佐食。二節也。賓長獻尸。爵止。尸作止爵。尸

酢賓。賓獻祝。獻佐食。致爵于主人。

致爵于主婦。酢于主人。三節也。

右有司徹

凡五十一節
經文止無記

儀禮集解卷之十七終